

DE SPHÆRA,
ET PRIMIS ASTRO-
NOMIÆ RVDIMENTIS,
LIBELLVS VTI-
LISSIMVS.

Cui adiecta sunt breuia quædam de Geogra-
phia præcepta maximè necessaria.

*Conscrip̃ta olim & dictata familiaribus qui-
busdam auditoribus, & nunc primùm recognita à
CORNELIO VALERIO Vltraiectino, pu-
blico lingua Latine in Collegio Trilingui Buslidiano
professore.*



ANTVERPIÆ,
Ex officina Christophori Plantini, Architypo-
graphi Regij. cl̃o. l̃o. LXXIII.

SVMMA PRIVILEGII.

REGIA Maiestatis priuilegio cautum est,
ne quis CORNELII VALERII Ultra-
iectini publici linguæ Latinæ in collegio trilingui
Bullidiano professoris opera; quorum tituli sunt,

Grammaticarum institutionum libri quatuor.

Tabula summā artis Rhetoricæ complectens, &c.

Tabula totius Dialecticæ &c.

De sphaera & primis Astronomiæ rudimentis libellus.

Physicæ, seu de naturæ philosophia institutio, &c.
ab ipso auctore hoc anno postremum, parum
emendata & aucta, partim recēter emissā, citra
Christophori Plantini Regij iurati typographi
voluntatem, intra sexennium, vel coniunctim
vel separatim imprimat, vel alibi impressā im-
portet, distrahat, venaliūve habeat per om-
nes eius ditionis fines, sub pœna confiscatio-
nis, & graui mulctæ: vt latius patet in litteris
Bruxellæ datis.

Signat.

I. de Witte.

ORNATISSIMO ATQVE³

AMPLISSIMO VIRO DOMINO

GVLIELMO AB HETERENO,

Baliuo Ordinis Ioannitarum apud Vltraiectinos,
Domino suo plurimum obseruando, Cornelius
Vaerius ab Auduatra Vltraiectinus, S.



QUOD nuper tibi vir optime atq; huma-
nissime tum pollicitus, me libellū olim
à me conscriptum de Sphæra ac primis
Astronomiæ rudimentis, quem ante
quattuor & viginti annos adolescens,
aliquot a quibus ac sodalibus intima familiaritate
mihi cōiunctis, inter quos te præcipuo semper amo-
re sum profecutus, dictaui, cū primū per quoti-
dianas occupationes liceret, ad limam reuocaturum
esse, tibiq; recognitum statim missurum: id nunc
otij nonnihil ad eā rem nactus præstiti. Neq; enim
id diutius putaui differendum, præsertim cū idem
me primo quoq; tempore facturū promiserim insi-
gni iuriscōsulto D. Ioāni Lentio, regio Consiliario,
quo tu familiariter vteris, cum quo mihi summa ne-
cessitudo inde vsq; à prima adolescētia fuit. Accessit
inter alios hortator ad edendū & impulsor M. Ioan-
nes Philippus Matius sororis meę maritus, qui filiis
suis quattuor optimis adolescentibus optimarūq;
artiu studio sissimis, ac mihi carissimis hoc quicquid
est, quod emitto, nō ingrato fore existimat, maximè
duobus natu maioribus, quos bonis artibus ac disci-
plinis ad humanitatem pueros informauī, & hæc in-
ter cetera Physicæ Philosophiæ præcepta, cū iam
è pueris excessissent, erudiui, & in oratione stylo for-
manda diligenter exercui, vnaque cum his doctissi-
mi viri Ioannis Cauchij duos filios natu maiores,
adolescentes & pròbitate & litteris etiam interiori-
bus ac reconlitis perpolitos, meis cognatis in stu-
dijs contubernales amantissimos. Editum hoc opus-

culum alicubi in Germania se vidisse quidam sancti
 mihi affirmauerunt, quod equidem sum demiratus,
 inscio me nec vnquam ea de re vel litteris admoni-
 to, quenquam mihi quondam contubernalium, de
 quibus bene meritus essem, vt faceret, animum in-
 ducere potuisse. Quod igitur nunquam fortasse fue-
 ram editurus, id nunc paucis in locis recognitum in
 lucem proferre cogor, non illa tantum libri editione
 prima, cuius in Dialecticis & Grammaticis mentio-
 nem feci, meum agnoscens laborem; verum etiam
 quorundam studioforum efflagitationibus, qui lu-
 cubratiunculam hanc omnibus perutilem perque
 iucundam ex facili & perspicua rerum pulcerrima-
 rum explicatione futuram iudicant. Tu vero vir aman-
 tissime, libellum hunc, quem mei studio pluris for-
 tasse, quam ipse meretur, facis, cum leges, redibis
 in memoriam eius temporis, quo nihil vnquam no-
 bis iucundius esse potuit, cum Louanij in vniuersi-
 tate adolescentulus amantissimè viximus: atque hoc
 perexiguum munusculum sodalis olim tui mnemo-
 synon, eo quo datur animo accipe, tuique studio-
 sissimum amore mutuo complectere. Vale.
 Louanij ex Collegio Trilingui Buslidiano. Idibus
 Februarij. Anno M. D. LXXI.

COR-

CORNELII VALERII

VLTRAIECTINI, DE SPHÆRA ET
PRIMIS ASTRONOMIÆ RVDI-
MENTIS, LIBELLVS PERVTILIS.



ANTEQVAM Sphæra tractationem
aggrediamur, vnde ferè solet initium
præceptorum de Astronomia duci, vo-
ces aliquot geometricas passim occur-
rentes breuiter explicabimus.

De principijs Geometriæ.

VTILIA sunt in primis ad Sphæra Astrono-
mica cognitionem, quattuor illæ Geometriae princi-
pia, punctum, linea, superficies, corpus.

Quid punctum?

PVNCTVM est magnitudinis principium, vt
numeri monas. hoc indiuiduum imaginantur mathe-
matici, & omnis magnitudinis expers: & ex huius
fluxione in longum ducti, procreari lineam: ex linea
in latum fluente, superficiem: & ex superficie subsi-
dente & crassescente, corpus.

Quid linea?

LINEA longitudo est latitudinis & crassi-
tudinis expers, cuius termini sunt puncta. Id tamen
non ita est accipiendum, quasi res ipsa, quas metiri
velimus, linea sint: sed linea nomine id intelligi debet,
quo rerum longitudinem metimur. Et vt cogitatione
latitudinem à linea (quod re ipsa fieri non potest)
separamus: ita & à superficie crassitudinē, & à cor-
pore materiam omnem qua sensibus subiecta sit, in-
telli-

intelligimus sciuntam. Linea duplex est, recta & praua.

Recta est, quæ æquo spatio inter sua puncta extenditur, ut axis. Lineæ parallele dicuntur, quæ in eadem superficie, etiam si in infinitum eiciantur, nusquam tamen concurrent.

Praua, quæ non extenditur æquo spatio inter sua puncta. Huius tres formæ sunt, rotunda, ut circulus, ut voluta, ut spiræ: & obliqua, quæ varia est.

Circulus est figura plana, quæ una in orbem circumducta linea comprehenditur. Figura est, quæ termino vno pluribusue clauditur, ut circulus, triangulum, & cetera.

Circuli medium centrum dicitur, estque punctum illud, à quo omnes lineæ rectæ ad ambitum circuli eiectæ, inter se sunt æquales. Ambitus hic seu circulus, nunc vulgò circumferentia dicitur, Græcè περιφέρεια. Diametrus circuli, seu dimettens, est quæcumque linea recta per centrum acta utrinque ad ambitum pertingens, & figurâ, quæ longissimè patet, ex æquo secans.

Sed axis ea solum dicitur linea, circum quam orbis aliquis voluitur.


Semicirculus est, qui constat ex diametro & dimidia peripheria parte.

Circuli omnes in portiones duodecim diuiduntur, quæ nominantur in Zodiaco signa. Signum deinde in triginta partes seu gradus: Gradus in sexaginta scrupula seu minuta prima: Minutum porro primum in 60. secunda: Secundum in 60. tertia. Et sic deinceps vsque ad decima. Atque hæc signi minuta prima, secunda, tertiæque dicuntur. Secantur & hora

in sexaginta minuta, & hac in secunda, &c. quæ appellantur horaria.

De Angulis.

ANGVLVS est duarum linearum mutuus contactus. Hic autem ab eo contactu in amplitudinem surgit. Angulus triplex est, rectus, obtusus, acutus. Rectus, qui fit cum linea recta in rectam demissa, anguli utrinque sunt æquales: hac forma, ^a. Obtusus angulus est, recto maior, ^b. Acutus recto minor, ^c. Uterque obliquus est & inæqualis. Sunt & angulorum alij rectilinei, alij curui, alij spherici. Rectilineus angulus est, quem duæ lineæ rectæ continent. Curui, quem in plana superficie curuæ lineæ constituunt. Sphericus, quem in curua superficie circuli duo sese persecantes efficiunt.



Quid superficies?

SVPERFICIES est extremitas longa & lata, crassitudine caret: cuius termini sunt lineæ. Metimur hac externam corporum faciem. Estq; vel æqua seu plana superficies, ut aræ cæptæ planties, veluti trianguli, &cet. Vel iniqua, ut sunt concaua & conuexa. Aequa, cuius medium neque cauum est, neq; extuberans: hoc est, quæ ex æquo inter suas lineas extenditur. Iniqua ducitur, quæ non extenditur æquo spatio inter suas lineas. Concaua, est interior rei globosa extremitas, ut interior califacies. Conuexa, est exterior, ut oui superficies.

Quid corpus?

CORPVS est, quod longitudinem, latitudinem & crassitudinem complectitur. Cuius multa sunt genera, sphericum, gonicum, teres, &cet. Sphericum, ut

globi & pile. Gonicum seu angulatum, ut cubus. Acuminatum seu fastigiatum & turbinatum, ut pyramides, & pira quedam. Teretis forma sunt, columna, cylindrus. Sunt & oui & lentis, pluriūq; forme, quæ numero comprehendi nequeant. Inter omnes corporum figuras, perfectissima & corporum caelestium motui cōuenientissima est sphaera: quæ brevissimè definiri potest, corpus rotunditate perfectum, de qua nobis est deinceps differendum.


DE SPHÆRA.

SPHÆRA globus est absolutè rotundus & volubilis, mundi formam referens, quæ circulos & varias siderum figuras continet. hoc necessarium est artis astronomica instrumentum. Theodosius vocat solidū corpus vna superficie comprehensum, in cuius medio punctus est, à quo lineæ omnes ad circuli ambitum eunt, sunt æquales.

De sphæræ diuisione.

SPHÆRAM duplici diuisione distinguunt: primum in rectam & obliquam, quam illi diuisionem secundum accidens vocant: deinde in orbem decem, & elementa quatuor, quam secundum substantiam nominant.

Sphæ-



Sphæra recta & obliqua.

RECTA Sphæra dicitur, cuius utrūq; mundi polū finiens, quem horizonta Græci vocant, attingit: qualis est eorū, qui sub æquinoctiali circulo habitant. Recta nominatur, quod æquinoctialis supra caput ab exortu in occasum porrectus, & finies utrūq; permeans polū alter persecet alterū rectis & sphericis angulis, ita ut quaterni recti & æquales efficiantur anguli. Obliqua, cuius alter polus cōspicitur, alter sub finiente occulitur: qualis est eorū, qui vel citra vel ultra æquinoctialē habitant, ut in Europa tota. Obliqua vocatur, quod horizon & æquinoctialis alter alterum obliquis & inæqualibus angulis, id est, obtusis & acutis, persecent. Quemadmodum autem sphæram rectam & obliquam vocamus, ita dicimus & orbem & finientem rectum vel obliquum.

Quid axis & polus.

VOLVITVR autem sphæra circum axem, cuius extremae partes poli dicuntur. Axis definitur Linea per centrum transiens, & utrinque ad extremum circuitum pertingens, circum quam orbis aliquis conuertitur. Centrum est punctum in circuli seu

sphæra medio fixum, a quo ad peripheriā, seu ambitum educta lineæ rectæ omnes inter se sunt æquales.

Tres numerantur axes vsitati, & singulorum poli bini. Quamuis enim & coluri & meridiani, atque alii omnes Sphæra circuli suos habeant axes, & polos, & centra, polos quidem in circuitu circuli, centrū verò in eius medio: illorum tamen nullus est vsus.

Primus est axis mundi, circum quem mundus voluitur. Puncta aduersus utrinque axem finientia, poli dicuntur seu vertexes, sic appellati, quòd circum polos sphæra vertatur. Dicuntur & cardines. Est igitur polus, alterutra axis extremitas. Nam si inter duos vertexes lineam intelligas, ea axis erit. Mundi vertexes duo sunt & immoti: quorum alter ad Septentrionalem calii tractum sublimis & conspicuus, arcticus appellatur, positus inter duas arctos, id est, vsus: attolliturq; nobis hic vno, & quinquaginta ferè gradibus: Alter huic aduersus ad Austrum depressus, & sub terra nobis semper occultus, antarcticus dicitur, eisdemq; partibus hic sub finiente deprimatur, quot ille attollitur. Idem est & æquinoctialis, & tropicorum arcticorumque polus.

Secundus axis est zodiaci seu signiferi circū quem Zodiacus seu nonus orbis, sub quo planetae feruntur, conuertitur. Cuius itidē duo sunt poli, à mundi vertexibus distantes partibus ferè vicenis ternis & semisse; qui mundi motu circumacti, circulos arcticos describunt.

Tertius axis est horizontis seu finientis. Et huius duo sunt vertexes, quorum alter supra caput nostrum directò fixus, vulgò Zenith, & vertex capitis seu ver-
ricale

ticale pūctum dicitur, quod ad perpendiculum in ca-
lo positum, loco alicui imminet; alter sub pedibus no-
stris & supra antipodum capita, vulgò Nadir, &
pūctum pedum appellatur.

De circulis,

DVPLICES in sphaera circulos astronomi fin-
gunt, (neq; enim sunt rueria, sed ratione tantum co-
gnoscentur: solus lacteus est cōspiciuus) maiores & mi-
nores. Maiores dicuntur, qui mundū in duas aequas
partes secāt, vel quibus idem est quod mundo cētum.

Minores qui mundum in portiones inaequales di-
uidunt, vel quibus non est idem quod mundo cētum.

Maiores plurimum septem, minimum sex tradun-
tur, æquinoctialis, zodiacus, coluri duo, horizon, me-
ridianus & lacteus. Minores quattuor, arcticus, &
antarcticus, tropicus æstiuus, tropicus brumalis. Mi-
nores etiam sunt paralleli, omnes æquinoctiali circulo
vtrinque equaliter distantes, intra zonam torridam
comprehensi, quos diebus singulis sol mundi impetu
concurtus, describit. Proclus circulos omnes in tres
formas diducit, in parallelos, obliquos, & per polos
ductos. Paralleli sunt, quibus idem, qui mundo poli
sunt: æquinoctialis, circuli tropici duo, totidemque
arctici. Obliqui sunt tres: zodiacus, horizon & La-
cteus. Per vertices ducti, coluri duo, & meridianus.

De æquinoctiali circulo.

ÆQUINOCTIALIS, (ἰσημερινὸς ἢ ἰσημερινός,
quem veteres æquidialem, teste Festo, nomina-
runt; recentiores æquatorem vocant) circulus est, cu-
ius partes omnes æquo spacio ab utroque mundi polo
distant. Sic dictus, quod sub eo decurrente sole, dies

noctibus per vnuerſum terrarum orbem aquentur. Fitq; bis quorannus æquinoctium, primum menſe Martio, cum ſol Arietem ſubit, quod vernum appellamus: deinde Septembri menſe; cum Libram attingit, quod autumnale dicitur. De poſteriore Virgilius:

Libra dièi ſomnoq; pares vbi feceris horas,

Et medium luci atq; vmbriſ iam diuidet orbem,

Exercete viri Tauròs. Exoritur æquinoctialis cum mundo quotidie ſpatio viginti quatuor horarum æqualium: & partes æquinoctialis quindecim, ſingulis horis emergunt. Atque hoc diei ciuiliſ, quem vulgus naturalem vocat, ſpatium eſt, cuius pars viceſima quarta horam conſtituit, quam Latine æquinoctialem appellamus.

De die ciuili & naturali. De horis æqualibus & inæqualibus.

OBITER hoc loco notanda ſunt duo tum dierum tum horarum genera. Dies ciuiliſ, quem recentiores naturalem nominant, tempus eſt horarum 24. æqualium: vel ſpatium, quo mundi motus abſoluitur. (Diem naturalem hunc appellat Ioannes à Sacrobuſco, conuerſionem æquatoris circa terram, cui tanta ſit adiſcenda Zodiaci particula, quantum Sol interim proprio motu, mundiq; conuerſioni contrario, progreſſus tranſit.) Dies naturalis, quem illi artiſticialem nuncupant, interuallum eſt, quo Sol mundum luſtrat; hoc eſt, quo Sol ab Eo ſiniente progreſſus ad eundem redit. qui tantum in viroque æquinoctio æqualis eſt, aliis inæqualis, & Solſticio longiſſimus, bruma breuiſſimus. Dies ciuiliſ (cuius initium aſtronomi ſumunt à meridie, nos à media nocte) par-

tes sunt: nox media, de media nocte, gallicinium siue galli cantus, conticinium, diluculum, mane seu clara solis orientis lux, tempus antemeridianum, meridies, tempus pomeridianum, Solis occasus, vesper, crepusculum, prima fax, nox concubia, interpesta, & ad mediam noctem. Hora itidem sunt duplices, æquales seu æquinoctiales, & inæquales seu planetarum. Aequalium horarum viginti quattuor æquinoctialem metiuntur. Inæquales sunt, quarum duodecim quotidie numerantur inter exortum Solis & occasum. Quæ tãtum in æquinoctiis cū æqualibus consentiunt: aliàs diurna semper inæquales nocturnis & brumales æstiuis. Sol exorietis prima hora facit initium: meridianum contingens, sexta: occidens, duodecima. Et hinc rursus initium dat primæ noctis hora: & sub terram digressus ad meridianum, sexta: à quo ad exortum recurrens, duodecima: iterumque exorietis, horarum initium facit. quanquam veteres noctem sæpius in quattuor vigilias, & earum singulas in horas ternas diuidebant.

Tribuantur autem hora singule planetis singulis. Prima diei cuiuslibet hora matutina, ei tribuitur fieri, à quo non enim ille dies accipit: secunda hora sequenti, tertia uidem, deinceps succedenti, principio à Saturno summo ad Lunam infimam ducto, & hinc ad eundem simili ratione recurrẽte: vi, Sabbathi prima hora matutina, Saturno assignatur. secunda Ioui, tertia Marti, &c. Item dies dominici prima hora Soli datur: secunda Veneri: & sc deinceps perpetua nocturnarum horarum cum diurnis connexionem.

De

De Zodiaco, seu orbe signifero & partibus eius.

ZODIACVS est, qui æquinoctialem circulum in viroque æquinoctio contingit, cuius altera pars ad Septentrionem, altera ad Austrum vergit. Appellatus est ab animalium positu & qualicunque figura, quam in hoc obliquo circulo vel potius cingulo duodecim signa referunt. Vel ex eo, quod hinc, ut Aristoteles existimat, omnis viuentium ratio pendeat. Sub huius circumflexu planeta septem feruntur. Diuiditur Zodiacus in duodecim partes, quæ signa dicuntur: veluti si per utrumque signiferi polum ductis lineis duodecim, ab uno ad alterum polum inclusa pars duodecima, & quicquid stellarum in ea continetur, vni signo tribuatur. Singula deinde signa in tricenas partes, quas gradus dicimus, distinguuntur. Signorum nomina sunt hæc: Aries, Taurus, Gemini, Cancer, Leo, Virgo, Libra, Scorpius, Sagittarius, Capricornus, Aquarius, Pisces. Quorum sex priora Septentrionalia sunt, quæ ab æquinoctiali declinant ad Boream: posteriora sunt Australia. Characteres signorum ita pinguntur: ♈ ♉ ♊ ♋ ♌ ♍ : Sol in Arietis initio, vernum æquinoctium facit, quinto vel quarto Idus Martij. In Libra, autumnale, Idibus Septembris, aut decimo octauo Calendas Octobris: in Cancris, solstitium, pridie Idus Iunij, quo tempore longissimus est anni dies, & Sol apsidem supremam lustrat: In Capricorni, brumam circiter Idus Decembris, cum breuissimus est totius anni dies, & Sol in imam apsidem descendit. Solem esse in aliquo signo, significat eum sub aliquo signo decurrere. Dicuntur
enim

enim Planeta in signis esse figura pyramidali inuēsa. Tria signa, Aries, Taurus, Gemini, tribuuntur Veri: Cancer, Leo, Virgo, Aestati: Libra, Scorpius, Sagittarius, Autūno: Capricornus, Aquarius, Pisces, Hiemi. (Contraria sunt nostris antipodibus vicissitudines. Sed alia temporum est ratio in, qui torridā zōnam incolunt, de quibus infra dicemus) Manilius de signis, membris hominum attribuit:

Namque Aries capiti, Taurus ceruicibus heret,
Brachia sub Geminis, censentur pectora Cancro,
Te scapula Nemeæ vocant, teq; illa Virgo,
Libra colit clunes, & Scorpius ingume regnat,
Et semur Arcitenens, genua & Capricornus amant,
Cruraq; defendit iuuenis, vestigia Pisces.

Et ex duodecim signis Astrologi Solē præficiūt Leonem, Lunā Cancro, sed reliquorū planetarū singulos binis, Saturnū Capricorno & Aquario, Iouē Sagittario & Piscibus, Martē Scorpio & Arieti, Venerē Libra & Tauro, Mercuriū Virgini & Geminis. Solus omnium circulorū Zodiacus latitudinem habet partium duodecim, vel sexdecim, ut recentiores obseruarunt in Martis & Veneris à Solis via discessu. (longitudinē eandē, quam reliqui maiores partium 360. in ecliptico circulo extensam.) Per cuius mediū, Solis via est, à quo nunquam ille digreditur, quæ linea ecliptica dicitur ex eo, quod Sol Lunaq; defectus fieri nequeāt, nisi corpus vtriusq; sideris sub ea cōsistat. Hæc triū linearū, quibus comprehenditur Zodiacus, media est: at extremæ duæ proprijs carēt nominibus. Latitudo autē signiferi propter euagationem stellarum errantium ab ecliptica, seu via Solis digredientium inuēta est. Planeta enim

nunc


nunc sub ecliptica, nunc vltro nunc citro vagatur, unde & nomē inditū est. Cur obliquus in sphaera Zodiacus sit, adferuntur caussae duae: prima, ut planeta, qui sub orbe signifero decurrūt, obliquo facilius quā con-
trario cursu aduersus mundi motū nitantur. Altera, ut possint & in Septentrionalē partē & in Australē per-
uenire, omnesq; terra partes visere. Siquidē nulla sine his futura sit rerū vicissitudo, nulla aestatis aut hiemis commutatio, quippe cū Zodiaci obliquitas omnem hanc dierum noctiumq; inequalitatē nobis efficiat.

De Solis ac Lunae defectibus,
seu eclipsibus.

OPPORTUNE videntur hoc loco sideris virius-
que defectiones trahi posse. Solis eclipsis est, Luna in-
ter solem & terrā interuentus. Ea sit, cū Luna cor-
pus ἀδράκτωρ, & minimē perspicuum, inter Solem
terrāq; sub ecliptica linea consistens, interpositu suo
lumen Solis eis, inter quorū aspectum & Solem ipsa
locatur, aufert, partemq; Solis obscurat. Id fit in coi-
tu, seu interlunio, cū in eadem virumque sidus, qua
terra, diametro fuerit. Solis deliquia rectius labores
dici possent, id est, conatus perlustrandi, quod lumen
Solis tantum occultetur, non extinguatur. Defectus
enim Luna esse potest, Solū nō potest, qui laborare mo-
dō, premiūq; dicitur. Nec enim totus vnquam sic ob-
scuratur, ut vniuerso terrarum orbī lumen eius aufe-
ratur: sed illis tantum, inter quorum aspectum &
Solem Luna interponitur. Nam terra Lunam ma-
gnitudine vincit, & ille terram. Atq; hac quidem, ut
ostendunt mathematici, Luna globo maior est tri-
cies novies, minor verò Sole centies sexagies sexies.

Solis

Solis diameter ab astronomis ad exprimendā eclipsis magnitudinem, distribuitur in partes 12. quæ puncta vocant, nos uncias, seu duodecimas diametri partes, seu digitos appellare possumus. Luna defectus est, terra inter Solem & Lunam pleno orbe lucentem interuentus, utroque sidere ἀνακλιὰ ζῶντα & κατακλιὰ ζῶντα, quæ vulgus caput & caudam Draconis vocat, contingente. Id in plenilunio fit, cum Sol & Luna diametro distantes in duobus punctis oppositis, quæ caput & caudam Draconis vocari diximus, sub ecliptica linea feruntur, & terra suo interpositu atque obiectu Lunā Solis radijs accensam obscurat, lumenque eripit. Draconem appellant figuram duorum circulorum, quam Solis & Lunæ cursus efficiunt. Caput Draconis est, ille nodus atque sectio, unde Luna ad Boream ascendit. Cauda Draconis est, unde ad Austrū descendit. Luna tota extinguitur, & uniuersale dicitur æliquitium, si in hac duo puncta, quæ sese in ecliptica persecant, inciderit: sin iuxta fuerit, sed extra hos limites eclipticos, pars eius nunc maior, nunc minor, obscurabitur, prout Luna fuerit via Solis seu nobis vicinior. Quamuis autem Luna singulis mensibus ad easdem vices exeat, necesse tamen non esse eam toties deficere, latitudo circuli declarat, quæ tantum in duobus punctis cum via Solis coniungitur, aliās extra Solis semitam vel in Austrum vel in Boream digrediens. Cumq; rariùs utrumque sidus his limitibus coniungatur, eclipses quoque rariores, nec statas nec menstruas fieri necesse est.



De Coluris.

COLVRI duo sunt circuli per utrumque mūdi verticē ducti, sese rectis ac sphericis angulis persecantes, quorum alter colurus æquinoctialis appellari potest, alter solstitialis. Ille æquinoctia contingit, perq̃ principia Arietis & Libræ ac mundi polos ducitur: hic solstitium & brumam, transiq̃ per Cancrī & Capricorni principia, & per eclipsica polos pariter & polos mundi: qui declinationum etiam circulus dicitur, ex eo, quòd Sol ad Cancrum & Capricornum digressus, quàm longissimè ab æquinoctiali absit, cuius digressionis distantia colurus hic metitur. Nominati sunt coluri, quòd imperfecti sint, nec unquā nobis integri totiq̃ exoriātur. Nam cū signifer æquinoctialis, & uterque tropicus spatio 24. horarū paulatim emergentes se totos conspiciendos (conspecti intelligātur) præbeant, illorum partes Australi polo vicina semper latent. Sub torrida zona degētibz coluri non sunt. Plures videntur globo materiato verticales circuli posse inscribi, sed hos duos, qui à veteribus coluri dicti sunt, mundumq̃ in quatuor partes aquas diuidunt, præcipuos numerauerunt.

De horizonte.

HORIZON circulus est, qui conspicuā mundi partē ab ea, quæ non est conspicua, dirimit: quæ ab eo, quòd aspectum nostrū definit, Latini finientem nominant. Hic rectus sub æquinoctiali ducitur: obliquus est ultra citraq̃ æquinoctialem degētibz, quibus Sol & reliqua astra meatu labuntur obliquo. Duplex est horizō: alter qui sensu percipitur, alter qui intelligitur. Sēsbz expositus ille est, qui aspectū nostrū definit:

hoc est, qui in aperto calo ab oculis nostris circūductis, prospectu iam deficiente, circūscribitur. Huius circuli dimetientem lineam Proclus ad duo millia stadiorum extendit: sed verisimilius est quod Macrobius scribit cap. 15. libri 1. in Somnium Scipionis, eā non amplius trecenta sexaginta stadia continere: quorū dimidium intenta oculorū acie cernit is, qui sub dio patēte campo cōsistens, hoc est, in diametri medio oculos quocūq; circumduxerit. Vnde colligitur aciem nostrā vltra centū & octoginta stadia non extendi. Continentur autē octo stadia vno miliari Italico, & quatuor Italica vno Germanico cōmuni, vel quinq; Germanico magno. Alter verò finies est, qui sola ratione cognoscitur, & ad orbem decimū pertinet, mundūq; totū in duo secat hemisphæria equalia, superius ab inferiore diuidēs. Atq; hic duplex est, rectus & obliquus, vt initio dictum est. Non est autē per omnē cali tractū idem finiens. Diuersis enim regionibus vltra curāq; æquinoctialem inter Austrū & Septentrionē, Orientem & Occidentem, diuersus est horizon. Omnium autem finientium polus Arabicè zenith, vulgò vertex capitis dicitur, punctum, quod omni ex parte æquo spatio à finiente distat, quodq; directè & ad perpendicularum supra locum poni intelligitur: Oppositus ei polus Arabicè Nadir, punctum pedis dici posse credunt. Mutato finiente, mutantur omnia quæ sub aspectum cadunt. Eamq; ob causam finiens accommodari Sphæræ descriptioni semper non potest, sed non incommodè situs eius ab alueo, in quo circumuoluitur depicta Sphæra, intelligitur, vt eūdem semper in quauis plaga situm finiens seruet. Cali mediū
sem-

semper esse nobis conspicuū mathematici asserunt, & reliquam partē occultā. Magno vsui circulus hic erit in globo astrifero ad ortus & occasus siderum, tum ad dierum noctiumq; inaequalitatem deprehendendam.

De Meridiano.

MERIDIANVS, est circulus per mundi, ac finientis polos ductus, inter ortum & occasum paribus spatijs interiectus, in quem cum Sol incidere, supra terras medios dies, mediasq; infra noctes efficit. Et hic circulus immotus est, variaturque cōtinuē nobis vel ad oriū, vel ad occasum discedentibus. Nam rectā ad Austrum à Septentrione abeūtib; quantuscunq; fiat progressus, meridianus vsq; permanebit: sed vel paullulum ad ortum Solis occubitūmve digressis mutabitur. Sed necesse tamen non erit, nisi vltra stadia cētum & octoginta, hoc est, quattuor ferē miliaria Germanica magna fuerimus vel ad ortum vel ad occasum digressi, nouū constituere meridianum. Sensiri enim citra spatium istud mutatio non facile potest. Vterque circulus finiens & meridianus, mūdum totum in quattuor partes aquas diuidunt, mutanturq; solum (vt modò dictū est) inter ortū & occasum. eōq; fit, vt meri. dies & media nox eodē tēpore efficiantur ijs, qui sub eodē meridiano versantur: Solis tamē exortus, cum diuersa latitudo sit, nō permanere eosdē necesse est. Signifer æquinoctialis, horizō, & meridianus (quo modo possint & ceteri circuli maiores distinguī) in trecētas & sexaginta partes à nobis diuiduntur, à Grecis tantū in sexaginta, quarū singulis, sex Latinorū partes respōdent. Numerus. n. 360. cōstat ex 60. senarijs, hos Manili⁹ in circulis parallelis sequutus est.

De duodecim cæli domibus siue
stationibus.

D V O B V S circulis meridiano & finiēte sese per-
secantibus totum mundum in quatuor diuidi partes
equas diximus. Harū singula deinde in tres equas di-
stincta partes, duodecim cæli domos constituunt, quos
genethliaci seu mathematici diligenter in genesi no-
tant. Quarum prima initium ab eoa finientis parte
sumit: Secunda sub finientē primæ succedit: & huic
tertia adiungitur: Quarta domus initium meridia-
nus circulus est, supra antipodum verticem ductus:
quam sequitur quinta: & hanc sexta ad finientē oc-
ciduum pertingens: Vnde septima fit initium: Cui
succedit octaua: & huic nona ad meridianum nobis
conspicuum porrecta: Adheret huic decima: Cui suc-
cedens undecima & huic duodecima & vltima an-
nectitur. Inter has, quatuor anguli (seu cardines, vt
Manilius vocare videtur) sunt domus prima, quarta,
septima & decima: totidem succedētes, quæ sequun-
tur angulos & proximam vim obtinere putantur,
secunda, quinta, octaua, & undecima: Reliquæ ca-
dentes appellantur, velut ab horoscopo alienæ, tertia,
sexta, nona, duodecima.

De lacteo circulo.

L A C T E V S circulus est, qui solus omnium se-
reno calo conspicuus est, nulla certa definitus lati-
tudinē, sed alia parte latior, alia angustior. Cingulum
potius esse quoddam quàm circulus videtur, & zona
quedam obliqua per initia Geminorum & Sagitta-
rii calum ambiens, cādore suo notabilis, & nebuloso
lumine collucens. Hunc circulum alij omiserūt, quod
eius

*eius non putauerunt vsum esse admodum necessariū:
de quo vide Ouid. Metamorph. lib. 1.*

De circulis minoribus.

QUATVOR sunt minores circuli: *Arcticus, Antarcticus, Tropicus æstiuus, Tropicus brumalis.*

De circulo Arctico.

CIRCVLVS Arcticus est, quem signiferi medij seu circuli ecliptici polus incitato mūdi cursu correptus circum mundi polum Arcticum describit.

De circulo Antarctico.

CIRCVLVS Antarcticus est, quem alter signiferi polus circum australem mundi polum efficit.

De maxima Solis declinatione.

SPATIVM à vertice mundi ad Arcticum vel Antarcticum circulum, seu polum signiferi ductum, cōrinet setè partes vicenas ternas & semissem. Idem est Solis maxima declinationis intervallum. Est autem declinatio, Solis ab æquinoctiali ad tropicos descensus seu digressio, cuius intervallū coluri arcus tropico & æquinoctiali circulo interiectus facillè merietur. Polum signiferi eum punctum intellige, qui in utroq; hemisphærio ab ecliptica linea, seu medio Zodiaci, omni ex parte æquè distat.

Proclus de circulis Arctico & Antarcticis.

PROCLUS Arcticū vocat circulum, qui mundi vertigine circumactus, solo puncto finientem contingit, in quo continentur astra nunquam occidētia. Antarcticum, qui solo item pūcto horisonta contingit, sidera nobis occulta complectens. Virunque mobilem facit, ut, si progrediaris ad mundi vertices, au-

geatur: sin ad æquinoctialem, minuatur: tantoq; distat à vertice mundi spatii, quanto polus ipse mundi supra finientem attollitur. Verbi gratia: cum arcticus mundi polus Ultraiecti seu Traiecti Batauorum partibus circiter quinquaginta duabus & semisse conspiciatur sublimis, circulus Arcticus totidem gradibus à mundi vertice distat. Alter item Antarcticus superiori aduersus totidem partibus sub horizonte deprimitur, stellisque perpetuò nobis occultas includit. Proclus Arcticum circularum omnium maximum vocat, quòd totus perpetuò videatur, & ob id ipso æquinoctiali omnium maximo maior; cum non nisi dimidium illius confici possit.

De Tropico Solstitiali.

TROPICVS æstiuus seu Solstitialis, qui & circulus Cancrì dicitur, est quem Sol ab æquinoctiali ad Septentrionem longissimè digressus, mundi circumactus impetu describit Solstitio, siue longissimo æstatis die, quo sidus Cancrì subit. Solstitium ex eo dictum est, quòd Sol, cum propius ad nos accedere nequeat, eo die stare videatur. Tropicus à conuersione dictus est, quòd Sol ad hanc metam digressus vertatur, & ad æquinoctialem redeat; inde porro ad alterum tropicum declinaturus, australem conuersionis terminum, à quo reuersus æquinoctialem repetit.

De Tropici diuisione.

PROCLUS Græcus in sua regione tropicum ita à finiente diuidi scribit, vt toto circulo in octo partes dissecto, quinq; supra terram extent, sub terra tres occultentur. Harum partiũ singuli cum ternæ respondeant horæ, manifestũ est diem longissimũ in eo climate ho-

ras continere quindecim, seu gradus 225. noctē verò nouē, seu gradus 135. Tractus nostri celi hæc distributio accommodari nō potest. At si tropicus totus à nobis in 360. gradus diuidatur, in quot partes ferè circuli maiores à Latinis distribui solent, harum partium ducentæ quadraginta septem cum semisse supra terram attollentur, & centum duodecim & semis sub terra latebunt. Qua cōputatione colligi potest, apud Vltraiectinos diē longissimum continere horas sedecim & semissem, noctē verò breuissimam septem horas & semissem. Parisiensis tropicus in tres partes secari potest, quarum duæ supra terram conspiciuntur, & infra tertia latebit. Quarum singulis horæ tribuuntur octo. Hac Solstitialis circuli distributione Latini carere possunt, qui æquinoctialem in partes 360. secant, quem diximus à Græcis in 60. partes diuidi. Quid si tropicum quoque in partes 360. dissectum finxeris, quarum quindecim vni tribuantur hora, facillimum fuerit diem æstiuum maximum inuestigare.

De Tropico brumali.

TROPICVS brumalis (vulgò circulus Capricorni dictus) is est, quem Sol ab æquatore longissimè ad Austrum digressus mundi conuersione signat bruma, id est, breuissimo anni die, quo Capricorni principium attingit. Vterque tropicus, ut supra dictum est, ab æquinoctiali distat eodem spatio, quo Arctici à polis mundi.

Circulorum vtilitas, & qui Paralleli sint.

CIRCULOS eos descripsimus, qui in Sphæra

depingi solent, & quorum est aliquis in re astronomica usus. Ex his quinque paralleli dicuntur, id est, æquè distantes, æquinoctialis, duo tropici, & totidem arctici, sic appellati, quòd singuli à proximis omni ex parte aequaliter distent. Quamvis autem circuli omnes, qui mundi motu describuntur, paralleli sint, non omnium tamen usus est. Quinque sunt præcipuè necessarij: æquinoctialis ad æquinoctia distinguenda: tropici duo ad Solis conuersiones demonstrandas, arctici ad frigidas zonas, quas comprehendunt, indicandas. Vtiles sunt & alij: signifer ad planetarum cursum ostendendum: coluri ad signiferum diuidendum: horizon & meridianus ad ortus signorum, ad regionum & urbium longitudines & cet. Est & alius quinque parallelorum usus, quo zona distinguuntur, quas breuiter explicabimus.

De quinque zonis.

QUATVOR circuli, minores, arctici duo totidemq^{ue} tropici, quinque in celo zonas, & totidem his subiectas in terra plagas constituunt, quæ toti^{um} terrarum orbem supra infraq^{ue}, ambiunt: nam & terra suã habet æquinoctialem, tropicos, & arcticos circulos celestibus respondentes. Zona autem spatium est inter duos circulos minores comprehensum, & arcticis duobus vtrunque inclusum. Quinque zone sunt, quarum media sub signifero inter vtrunque tropicũ extensa, nominatur torrida, inhabitabilis à veteribus credita propter æstum nimium, quam æquinoctialis mediã secatur. Due sunt frigide zone sub vtroque mundi polo, circulis arcticis incluse, & ob gelu perpetuum inhabitabiles. Totidem temperate sunt inter

inter frigidas & torridam comprehensa, quarum alteram nos incolimus, alterā antichthones. (Qui terram pedibus nostris aduersam tenent, antipodes appellantur.) Quinque zonas caelestes totidemq; terrarum tractus eleganter Ouid. lib. 1. Metam. describit his verbis:

*Viq; dua dextra calum, totidemq; sinistra
Parte secant zonæ, quinta est ardentior illis:
Sic onus inclusum numero distinxit eodem
Cura Dei, totidemq; plagæ tellure premuntur.
Quarum quæ media est, non est habitabilis æstu.
Nix tegit alta duas, totidem inter viasq; locauit.
Temperiemq; dedit, mixta cum frigore flamma.*

Et Virgilius:

*Quinque tenent calum zonæ, quarū vna corusco
Semper Sole rubens, & torrida semper ab igni:
Quam circum extrema dextra leuāq; trahuntur
Caruleæ glaciæ concretæ, atque imbris atris.
Has inter mediāque dua mortalibus agris
Munere concessæ diuū.*

De



De dextris ac sinistris mundi
regionibus.

VT versus modo positi rectius intelligatur, ostendimus, quae dextra mundi partes, & quae sinistra vocentur. Non est eadem poetarum, astronomorum & geographorum de hac re sententia. Siquidem astronomi ad meridiem, ubi velocissimus est siderum cursus, conuersi, occidentalem mundi plagam dextram nominant, quod ab auguribus quoque in templis effandis observari solitum esse Varroni credimus lib. 6. de ling. Lat. Geographi contra Septentrionalem mundi tractum spectantes, & verticis altitudinem contemplant, Eoam mundi partem dextram appellant.

lant. Poëta totum mundum in duo secant hemisphæ-
ria; quorum alterum, quod ab æquinoctiali porrigi-
tur ad Septentrionalem verticem, dextrum vocant,
alterum sinistrum, vt ex Ouidianis illis & Virgilia-
nis versibus facile cognoscitur.

Dextra Poëtarum.

Sinistra Cosmographorum.
Dextra Astronomorum.



Dextra Cosmographorum,
Sinistra Astronomorum &
Manilij Poëtæ Astronomi.

Sinistra Poëtarum.

De quattuor mundi limitibus, seu regionibus.

MUNDVS in quattuor partes seu regiones, seu limi-
tes, seu cardines, seu plagas diuiditur: in Oriū, Occa-
sum, Meridiem & Septentrionem. vnde Sol prodit,
oriens est, ortus, siue exortus: quā abit, vel, vt inter-
dum cum vulgo poëta loquuntur, quā demergitur, oc-
cidens est, seu occasus, seu occubitus: quā transit, Me-
ridies: & huic aduersus est Septentrio. Meridies &
Septentrio, cardines sunt fixi: Ortus & Occasus,
mobiles & varij, quos perpetua Solis & quotidiana
per signiferi partes decurrentis, mutatio variat. Or-
tus & Occasus tres constituuntur: solstitialis, æqui-
noctialis, & brumalis, qui sunt solstitio, æquinoctio,
& bruma. In quattuor has plagas, cuiusque loci fi-
niens.

niens diuidendus est, quibus singulis bina regiones
vtrinq̃e adiuncta plagas duodecim efficiunt, sedes
ventorum, quos hic subiunximus.

De ventis.

DIXIMVS modò Solem triplicem habere Or-
tum & Occasum: tribus exortibus terni venti respon-
dentes assignentur, totidẽmque occasibus. Ad eun-
dem modũ & Septentrioni & Meridiei binas vtrin-
que regiones appingamus, ac ventos singulis adiun-
gamus lateribus, ab illis mundi regionibus spirantes,
ita vt quatuor mundi cardinibus, singulis terni tri-
buantur venti; & perfectã constabit ventorum ra-
tio, vt ostendit subiecta figura.

Septentrio.

Solsti-
tialis oc-
casus.

Solsti-
tialis seu
æstiuus
ortus.

Æqui-
nodia-
lis oc-
casus.

Æqui-
nodia-
lis seu
vernus
ortus.

Bruma-
lis oc-
casus.

Bruma-
lis seu
hiber-
nus or-
tus.



Meridies.

IN-

INTER hos quatuor à Poëtis præcipuè referuntur, quos Manilius duobus his versiculis comprehendit:

*Asper ab axe ruit Boreas, fugit Eurus ab ortu,
Auster amat medium solem, Zephyrusq; cadentiẽ.*

De mundo & partibus eius
præcipuis.

ALTERAM Sphæra diuisionem, vulgò secundam substantiam vocari diximus, qua descriptio mûdi continetur. Mundus autem (quem teste Plinio Græci nomine ornamenti κόσμος, Latini à perfecta absolutaq; elegantia mundum appellauerunt) est, qui suo ambitu se & cuncta complectitur: ut orbes decem cum sideribus omnibus, & elementa quatuor, & quicquid his comprehenditur. Formam eius in speciem orbis absoluti globatam esse volubilẽque, nomen orbis declarat. qua sanè figura omnium est & perfectissima, & maximè capax, principio sinèq; carens, & conuertendis orbibus necessaria. Neq; enim, si aliam quamlibet haberet formã, in sese reuolui posset. In mundi medio punctum est, quod centrũ appellatur. Mundi præcipua partes omnes, ut & ipse mûdus, rotunda sunt numero quatuordecim, quarum inferiores omni ex parte à superioribus integuntur. Has diuidunt in elementarias & athereas. Elementaria regio perpetuis varijsq; rerum mutationibus & vicissitudinibus est obnoxia. Aetherea regio lucida est, omnis mutationis expers; quam Cicero quintam naturam, philosophi quintam essentiam nominant; orbẽsque caelestes decem complectitur, continuo motu orbico decurrens. Quatuor elementa sunt, quorum est

est infimum terra, quæ gravitate sui ad centrum depressa, pars mundi vltima est, in medio cali, quod vndiq; sursum est librata pendens, vnum cū circumfluis; atque intra sinus immēsos receptis aquis efficiens globum. Eam tamen aquis ambiri totā fingunt, vt aqua proximum elementum secundo loco numeretur, aër tertio, quarto ignis. Atque hæc mundi sex appellatur, perpetuus ortus interitusq; mutationibus subiecta. Globosam esse terram facile deprehendi ex vario stellarum fixarum ortu & occasu potest, & ex Luna defectionibus: quæ cū non eadem noctis hora in regionibus longitudine differentibus contingant, facile intelligitur id orbis terrarum effici rotunditate. Aër nubium concretionem crassescit, & ventorum flatibus obnoxius est. Eius qualitas in tres regiones diuiditur, quarum infima, terræ vicina plerunque temperata est: media, quam montes altissimi attingunt, frigida: suprema & igni proxima, calida est. Ignis hoc nostro longè purior ad orbem Lunæ peruenit. Elementis proximo succedit ordine purus & lucidus aether, quo Sphæræ decem continentur, quarum citima terris & igni vicina est Luna; supra hanc alie hoc ordine inferiores à superioribus circumdata & incluse: Lunam Mercurius ambit: illum Venus: Venerem Sol: hunc Mars: quem deinde Iupiter, & hunc Saturnus. Singula septem planetarum spheræ singulas continent stellas orbibus infixas, & orbium suorum motu, vt astrologis credimus, decurrētes. Sequitur oētava sphaera ἀπλανής, id est, inerrans, siue erroris expers, ita nominata, quod in eo fixa sidera eodem semper intervallo distent, eundemq; situm inter se

se perpetuò seruēt, firmamentū astrorū, quod propriè calū appellatur, quod varijs rerum imaginibus calatum sit & exornatum. In eo stella omnes (præter septem errantes, quæ obliquo sub celo feruntur incessu) quacumq; noctu celo sereno conspici possunt, infixæ putantur. Ex quibus poeta potissimum varias rerum & animalium figuras fecerunt, multiq; fabuli implicuerunt, quorum carminibus nihil est nisi fabula calū, ut Manilius ait. Supra calū nulle stella cernuntur. Veteres, quorū sunt Aristoteles, Cicero, Plinius, &c. hunc supremum esse orbem existimauerūt, cuius circumflexu tegerentur cuncta. Sed prisorum inuentis recentiores certis quibusdam inducti rationibus, duos alios addiderunt orbes, nonū & decimū, quod, quoniā primum & supremū statuebāt, primum mobile vocauerūt: is mūdi motus appellari possit, qui reliquos omnes ambit atq; complectitur, secumq; violenter, uti vulgò creditur, quotidie circumducit, ab exortu supra nos decurrēs in occasum, & hinc sub finientē descendēs, ac mox in ortū recurrēs. Cui nouem subiecti quanquā ab illo quotidie rapiuntur, & ab oriente in occidentē contorquentur: suo tamen quisq; progressu cōtrarios mūdo cursus seu potius obliquos conficiunt ab occasu in exortū nitentes. De quorū omnī motu breuiter explicabimus. Supra decimum & extremū mundi ambitū, calum empyreum constituitur, sed immobile. Orbes autem caelestes, non etiā elementa, præsertim inferiora tria, circumaguntur, motuq; sempiterno & inenarrabili celeritate quotidie semel oriuntur & occidunt, ab orbe decimo incitati.



De motu cælestium orbium.

MOTVS corporum plures sunt. Alia sursum
 mouentur, alia deorsum, alia circumaguntur. Sursum
 feruntur leuia, ignis & ær: deorsum graua, terra &
 aqua. Ad centrū mundi graua omnia in omni terra-
 rum orbis parte tendunt, omnesq; homines, tam ij,
 qui

qui aduersa nobis figunt vestigia, quàm qui transuersa & obliqua, de quibus infra dicemus. Circūagentur caelestia corpora circū mundi medium. De motu festinus extat Erasmi Roterodami inter colloquia familiaria dialogus, cui titulum fecit Problema.

De motu orbis decimi.

DECIMVS orbis vno motu fertur ab exortu per austrū in occasum, & hinc per antipodū regiones rediens, circum mundi axem recurrit. Appellaturq; mundi motus, qui reliquos orbes interiores omnes quotidie secū rapit atq; circūagit. Circulum hic absoluti diei ciuili interuallo, hoc est, horis viginti quatuor aequalibus, eodemq; spatio corpora omnia subiecta, prater inferiora elementa, circūducit: hunc subiecti orbes versantur retro, cōtrario motu atq; nūctus. Et quamuis hi cōtinua mundi cōuersine rapiantur in occasum, aduerso tamē eunt motu per sua quisq; spatia. Quoq; longius interiores ab extremo distant orbe, hoc seignius mundi violēto motu circumagiuntur, faciliusq; suū peragentes cursum, in aduersum nūctur. Vnde fit, vt Luna, quod vltima sit orbi primo, & citius terris, extremi motus impetu minus vrgeatur.

De motu orbis noni.

NONVS orbis (quem crystallinum & aquenū appellant) duplici motu agitur. Primum enim violententer impellitur, & ab exortu in occasum quotidie ab orbe decimo contorquetur. Alter ei proprius est & peculiaris motus, quo cōtrarium mundo cursum peragit, & ab occasu per meridiē in ortum circum axem signiferi voluitur, eūq; cursum perficit quadraginta nouem millium annorum spatio. Atq; hic est annus

ille mundanus, magnus, & Platonicus, quo cuncta astra ad eundem locum, unde semel sunt profecta, redeunt, eandemq; totius calis descriptionē longis intervalis refcrunt. Per huius globi limitem, quem vocant eclipticam lineam, Sol decurrit.

De motu orbis octauī.

OCTAVA sphaera, siue calū, tribus motibus agitur. Nam decima ac nona sphaera motu rapitur, & proprio cursu fertur, quem tum accessus & recessus, tum trepidationis motum appellant, progredientem ab Austro ad Septentrionem, stella q; eodē secum pertrahentem, & inde rursus in Austrum. Cietur hic motus circulis duobus paruis ab Arietis & Libra initio in orbe octauo circum principia Arietis & Libra orbis noni: Perficiturq; circuitus septem millium annorum intervallo. Hunc orbē veteres omnes primum esse crediderunt: sed recentiorum diligētia duas alias supra eum sphaeras inuenit. Qui cū longo experimento didicissent octauū orbē tribus impelli motibus, stel- lasq; loco cedere, & obliquo meatu ab occasu in exortum moueri, deinde & alio ferri motu ab Austro in Septentrionem, ac rursus in austrum deflecti: nec posse tamen corpus plures vno proprios habere motus: certō statuerunt, duo supra calum esse corpora, quorum impulsu ipsum ageretur. Ptolemaeus, cui nonus orbis est mundi motus, ait octauū orbem cetero quoque anno gradum vnum conficere, cedentibus ad ortum steliis. Ex quo intelligitur, hunc motum absolui spatio triginta sex millium annorum. Alij non ceterum annis, sed sexaginta sex, aut cū tardissimē, septuaginta gradum vnum confici volunt.

De

De signis cælestibus.

CÆLO continētur sidera omnia, septem errantibus exceptis, quæcunque sudo aëre conspici vsquam possint. Et inter hæc duodecim ille orbis significari imagines, quæ signa vocantur, luit, olim cū dodecatemorijs, seu duodecimis partibus congruētia: nunc verò, cū orbis octauus paullatim motus loco sit ab occasu in exortum, imagines illæ quoq; suis sedibus cesserunt, quæ tamen astris sui nomen retinuerunt. Hinc Plinius & reliqui veteres δωδεκατημόρια imagines intelligunt; quidd id temporis singule seie imagines & sidera alia suis essent dodecatemorijs coniuncta: vt cū illi planetam esse vel in Ariete vel in Leone dicerent, δωδεκατημόρια intelligi debuerit. Nunc aliud hoc intelligitur, aliud imago: & cū Solem esse in Leone dicimus, non in astro ipso, sed circa astrū in ea cali parte duodecima Solem esse intelligi volumus. Nam cuiusvis orbis maximi vicia siue pars duodecima signum dicitur, seu δωδεκατημόριον, quod diuiditur in gradus 30.

Siderum inerrantium descriptio.

ASTRORVM studiosi sua ipsi industria siderum posius inuestigare poterunt, diligenter inspectis astrorum imaginibus accuratè in tabella aliqua depictis, qualem nuper edidit Petrus Appianus, in qua duplex imaginum hemisphærium in vnā redigit figuram. Cognoscendum autem est vnum aliquod astrum, cum quo vicina in inuestigando conseras, velut Vrsa maior, seu plaustrum maius, non modò nantis, sed agricolis etiam & opificibus hoc nomine

Vrsa vtraque
plaustrum dici-
tur, & Septen-
trio à septem
stellarum nu-
mero.

ferè notū, cuius lucida stella septem in Septentrionali
tractu hac forma conspiciuntur. * *

* * * *

De signis Septentrionalibus.

I AM vt crasse doceā rudes indagare vicina, poli
ita querent: per extremas plaustrī maioris rotas, li-
nea recta fingatur ad septentrionē ducta, quam nobis
obutu oculorū prosequentibus occurreret lucida stella
polo seu vertici proxima, quæ est minoris Vrsæ cauda
extrema, quod ex imagine depicta cognoscendū est.
Hac vulgò stella polaris appellatur. Infra Vrsam mi-
norē, quæ & Cynosura dicitur, Draco sinuoso flexu
iacet cauda inter viranq, Vrsam porrecta. A quatuor
maioris plaustrī rotis per 4. extremas Vrsæ minoris
cauda stellas ductis lineis, Cephei sidus totū ferè quod
proximū adiacet, cōprehenditur. Maiorē Vrsam se-
quitur Bootes siue Arctophylax, & custos Erymāthi-
dos Vrsæ, cuius inter crura fulget Arcturus lucida stel-
la, quæ per Vrsæ maioris caudam obliquā descendenti
mox occurrit eximio splendore cōspicua. Ab vltimis
rotis plaustrī maioris per vltimas minoris & Dra-
conem extēsa linea Cygnū attingit, in cuius cauda ce-
teris clarior stella cernitur, & hac etiā maior obuia
fit ad Arcturū spectātī, quæ est in rostro Vulturis ca-
dentis, quæ & lyra Orphica dicitur, per quā à prio-
ribus maioris plaustrī rotis deorsum protenta linea
mox Aquilā contingens ad lucidā stellā peringet, quæ
est in collo media inter maiusculam & paullo mi-
nore. Inter Orphicam lyram seu fidiculam & ar-
cturum interiectus est Hercules in genua curuatus,
& Corona Ariadnes suo semicirculo nota, in quo stel-
la una

Draco.

Cepheus, An-
dromedæ pater.

Bootes.

Arcturus.

Cygnus.

Lyra Orphei,
Mutarū benefi-
cio astris addita.
Aquila.

Hercules.
Corona.

la vna ceteris maior. Infra Herculem Ophiuchus anguinenus seu anguifer, ingenti cinctus angui nititur, cuius caput Ariadnes Coronam petit, cauda ad Aquilam protenditur. Aquila succedit ad ortum Delphinus & inter utrumque sidus ad Boream sagitta cernitur seu telum. Delphino adiunctus est paullo inferiore loco ad ortum equus minor seu prior, & huic alatus equus Pegasus quatuor insignioribus quadrangula figura conspicuus elucens, quatum ea que ad ortum longius abest à polo, dicitur ala Pegasi. Atq; hæc stellæ 4. trapezij forma satis nota sunt. Superiorem trapezij lateri quod est ad Aquilonem, succedit Andromeda, mulier catenata, in cuius sidere sunt tres stellæ reliquis maiores, ordine serè ad ortum posita. Inter Andromedam & polum, Cassiope sedet clavis exornata stellis. Infra Andromeda pedes triangulum est, siue δελτωτόν. Ab ala Pegasi per mediam Andromeden proiecta linea clarâ stellam attinget, quæ est in medio Perseo, qui sinistra abscissum Gorgonis Medusæ caput gerit, stellæ inter alias clariore decoratum, loco paullo inferiore. Perseo ad Orientem succedit Auriga, Heniochus, seu Erichthonius, cuius humero laevo Capella Olenia insidet, lucida stellæ, quæ per Ursæ minoris incuruatam caudâ descendens fit obuia, cui vicina est altera paullo minor in altero eiusdæ sideris humero. In sinistra Erichthonij manu duæ stellæ sunt, quæ vocantur Hædi.

Ophiuchus.
Anguis.

Aquila.

Delphinus ab
Arione Citha-
rædo inter astra
collocatus.

Sagitta, vna ex
Herculis telis.
Equus prior,
Equus alatus.

Andromeda à
Minerva inter
astra collocata,

Cassiope.

Triangulum.
Perseus tenens
caput Medusæ.

Heniochus,
Capella de qua
Ovid. Nascitur
Oleniæ signum
pluviale Capel-
læ.

Hædi.

De Zodiaci seu signiferi astris.

PER medium trapezion seu Alas Pegasi, recta linea in ortum protenta monstrabit cornua Arietis, quorum clariore stellæ duæ. Hunc ordine sequitur Taurus,

Aries.

Taurus.

cuius cornua sunt inter Erichthonium & Orionem, à quibus in occasum obliquatur caput, & quod reliquum est eius astri. In Tauri fronte sunt Hyades, siue succulae, stellae quinque triquetram formam referentes, quarum maxima oculus Tauri est rutila stella.

Vergiliae. In humeris seu dorso Vergiliae sunt, quae Pleiades quoque dicuntur, quarum septima vix conspicitur, ipso numero etiam vulgò nota: dicta & Atlantides, inter quas est Mata Mercurij mater. Has est edet linea ab ala Pegasi per Arietis cornua longiuscule ducta. Loco paullo inferiori ad ortum conspicuntur Hyades. A Cygno per polum longius proiecta linea descendit in capita Geminorum duabus insignita lucidis stellis. Inter hos & Leonem, Cancer est obscurum sidus, nubeculam praesepia dictam, & duos asellos gestans. Infra maius plaustrum, clarum Leonis sidus porrigitur, cuius clarissima stella, quae Regia nominatur, quod & cor Leonis dicitur, in pectore est, rotis prioribus plaustrum minoris subiecta, & altera in cauda est subiecta plaustrum maioris extremo temoni. Infra Boorè Virgmis sidus est, in quo clara stella quae spica dicitur, elucet, quae infra Arcturum conspicitur, eo ferè interuallodistans, quo hic ab extrema Urse maioris cauda. Inter Spicam & Arcturum stella est, quae vindemiator dicitur. Libra sequitur ad ortum subiecta corona, & anguis Ophiuchi parti priori. Cui clarius succedit Scorpionis sidus, infra Hercule & Ophiuchum, cuius in pectore lucida stella cor Scorpii dicitur. Sagittarius occurrit à polo per lyram longo spatio recta descendenti. Cuius ante pedes stellae in orbe collocatae, coronam meridionalem notant. Succedit Capricornus, subiectus Aquila & Delphi-

Gemini Castor
& Pollux, fratres amatissimi.
Cancer, Praetepia, Aselli, Leo.

Virgo, Erigone,
Ceres Astraea.

Vindemiator.
Libra.

Scorpius,
Sagittarius.
Chiron, Centaurus.

Capricornus.

no. hunc sequitur *Aquarius* utriusq; equi capitibus cōtinuò subiectus. *Pisces* duo sunt, quorum alter maior proximè *Pegaso* subiacer, alter *Andromeda* inter *Arietem* & *Pegasum* interiectus, longiuscula fasciola connexi. De sideribus Australibus.

Aquarius.
Ganymede
Pisces.

CETVS fasciola, qua connexi *Pisces* sunt, & *Arietis* subiectus ingens bellua iacet. Infra *Arietē* & *Ceti* caput & *Taurū*, fluvius *Eridanus* labitur. Per *Erichthoniū* à polo in Austrū demissa linea clarissimum toto calosidus *Orionis* ostendet, quod eo ferè ab humeris *Aurigæ* distat intervallo, quo ab his polus. Tres aquo ferè spatio continctæ in longū stella, zonā seu cingulum referūt, quē vulgus baculum *Iacob* vocat. Subiectus pedibus *Orionis* *Lepus* est, huic ad ortum *Canis* maior occurrit, in cuius ore luet ingens stella, sua magnitudine satis nota, quæ *Sirius* dicitur, & vulgò *canicula*: hunc ostendet linea ab extremis plaustrī maioris rotis per *Geminorū* capita longo spatio protenta. Inter hunc & *Cancrum* *Procyon* est, seu *canis* minor, dictus *antecanis*, quod ante canem exoritur. Post hunc, *Hydra* infra *Cancrī* caput, totum *Leonem* & *Virginem*, longissimo spatio porrigitur: Cui *Crater* impositus est infra *Virginis* cervicem, & *Coruus* infra manum, qua spicam illa tenet. Infra *Hydrā* aliud ingens sidus est *Argo* navis, cuius prora *Canem* attingit, et hinc longo tractu porrecta, non procul à *Coruo* demum desinit. In navis huius summo gubernaculo *Canopus* est, stella toto calo clarissima, *Aegypto* cōspicua, in *Europa* nusquam visa. Succedit ad ortū *Centaurus* *Virginis* pedibus & *Libra* subiectus, serā conficiens, quæ ei ad

Cetus seu *piscis* bellua inarina, à *Peteo* interfecta.
Eridanus flumen, quod ab *Orione* delabitur.

Orion.
Lepus.
Canis.

Procyon.

Hydra.

Crater.

Coruus.

Argo.

Canopus.

Centaurus.
Fera *Lupus.*

Ara.
Corona Meri-
dionalis.
Piscis Not.

ortum cōiungitur . Hinc Ara subit Scorpionis caudæ subiecta. deinde Corona meridionalis obuia est infra Sagittarium. Sequitur post Sagittarium Piscis australis, subiectus Capricorno & Aquario, & post hunc ab Aquario susa aqua . De signis præter Aras & Hyginum, aliosq; veteres, vide Ioannis Stofleri absolutissimum in Sphæram Procli commentarium.

De septem stellarum errantium orbibus & motu.

SVB I C I V N T V R octaua sphaera septē reliqui orbes, qui errantia sidera circūserunt, quæ ab incessu motuq; proprio mūdi cōuersioni cōtrario, planeta Græcè dicuntur, cū tamē errent (ut Plinius ait) nulla minus illis : feruntur enim, ut antè dixi, duplici motu, quorū alterū habent cū mundo communē, qui semper ab Oriēte in Occidentē agitur, alterum peculiarem sub ordine signorū ab occasu in exortum procedente, hoc est, à dextra in leuam, illo semper (ut Plinianus utar verbis) in dextrā præcipiti. Prior ille circuli æquinoctialis motus est, hic verò signiferi, quē certo annorum numero proprijs metiuntur cursibus. Planetarū supremus & cælo proximus Saturnus est, cuius sidus ab orbe septimo circumducitur, ac trigésimo ferè anno cursum suū peragit, quotidie duo minuta conficiens. A sexto Iouis sidus annis circiter duodecim circumagitur, quinq; minuta quotidie absoluens. A quinto Mars duobus circumfertur annis quotidie 31. perficiens minuta, A quarto Sol, A tercio Venus, A secūdo Mercurius annis singulis vertuntur. Sol quotidie 59. minuta prima & octo secunda cum triente peragit. Venus & Mercurius Solis comites sunt, quorum illa, si credimus Ptolemæo, nunquā longius à Sole discedit

dit gradibus sex & quadraginta: hic verò trib⁹ & vigin-
 ti. Primus & vltimus celo orbis menstruuo spatio
 lunæ sidus circumagitur. Planetarum characteres ita de-
 pinguntur. Saturni ♄ Iouis ♃ Martis ♂ Solis ☉ Vene-
 ris ♀ Mercurij ☿ Lunæ ☾. Sol eclipticam lineam nunquam
 egreditur, cursumque anni spatio peragitur, quod trecentos
 sexaginta quinque dies, & quadrantem fere dici continet,
 qui quarto quoque anno die intercalare, quæ bisexti-
 lem vocant, efficit, ortus sui lineam quotidie mutans, &
 per descriptos intra torridam calæ zonam circulos paral-
 lelos, seu spiras 183. vltimo circumque decurrēs, eumque cir-
 culorum numerum quotannis duplicans. Sed longiori tra-
 ctu ab æquinoctiali circulo ad æstivum tropicum ascen-
 dit, quam ab eodem ad hibernum descendit. commoratur
 enim in Septentrionalibus signis dies 186. & dici trien-
 tem: in Australibus 178. & dici fere deuncem. Veneris
 ingens sidus, itidem anni fere spatio circumagitur. Alterno
 meatu vagum cognominina mutat. Cum antegreditur
 Solē, ☿ωσφωφω Græcè, Lucifer Latine dicitur: Cum
 subsequitur, & ab occasu resulget, vesper, vespertu-
 go, & ἑσπερος appellatur. Mercurius eodem fere tem-
 poris intervallo cursus orbisque suos circumagitur, modo ante
 Solis exortum, modo post occasum splendens. In infimo
 orbe Luna fertur Solis illustrata luce, quæ viginti septem
 diebus & tertia fere diei parte ambitum suum peragitur,
 quæ deinde affecta Solē, biduo moratur in coitu, &
 cum tardissime, ut Plinius ait, tricesima luce rursus ad
 easdem vices exit. Luna dimidium præterquam in defectibus
 semper illustratur, sed illustrata portio vicissitudine
 quadam nunc infra lucet, nunc supra: pars inferior nobis
 est conspicua, superior calitibus. Observatum hoc est ab eo-
 dem

dem Plinio, Lunam semper auersis à Sole cornibus, si crescat, ori⁹ spectare: si minuatur, occasus. Mira sanè Luna potestas est, qua tantā vini aquarū trahat, & in Oceanū & maria tā violentū exerceat imperium.

De maris accessū & recessū.

NON iniucundū fuerit hīc pauca de marinis astibus dicere. Intumescere mare & immensa aquarum mole in littora nostra magno saepe cū periculo irruere, & rursus resluentibus in Oceanum aquis recedere, ignotum ijs esse nō potest, qui Germanicū Oceanum viderunt. huius accessus & recessus ad hunc obseruantur modū: Ex oriente Luna mare iam plenum littora summa premit, & in obuios fluuiorū alueos irruit: eadēq; iā ad Meridianū seu mediū cali progrediente, vis aquarū paulatim circa littora decrescit, & vi sideris in Oceanū protrahitur. A meridiani fastigio ad occasum labēte sidere, vimq; remittente, recurrentes vnde, quas illud secū attraxerat, paulatim ad litus redeūt, donec eodē occubente rursus mare plenū littora omnia inundat. Ab occasu vsq; ad alterius hemisphærij meridianū (ad quē Sol à nobis ad antipodes digressus mediā nobis noctē efficit) decurrēte Luna, decrescit mare, aquis in altū recedētib; & hinc ad eorū finitēs nostri limitē, vnde rursus nobis oriatur, paulatim intumescēs affluit. Ex his illud manifestū satis est, Oceanū quotidie bis accedere, totiesq; recedere viginti quinque, serē horarū spatio. Accessum & recessum saepe ventorū impet⁹ in vasto mari impedit, et in quāuis partē vndas rapit. Tardiorē etiā hunc motū littorū impedimenta faciunt: hinc fit, vt maritimi citius percipiant, quā qui interiora loca habitāt. Nunquam


por-

porro eodē tempore, quo pridie fecerat, accedit, receditq; mare, sed una fere hora tardius, Luna videlicet aliūde semper, alijsq; momentis exoriēte, & proprio decurrēte motu, quo diebus singulis partes tredecim, atq; etiā amplius ad Orientē nitēs, in aduersum retrouersatur. Cum autē Planeta omnes alter in alterum sibi subiectū vires exercere dicātur, omnesq; in Lunā errantiū infimā: videtur hac profectō omnibus animātib; diligenter obseruāda, quod proximē suā vim in elemēta diffundat. Partus humani Lunæ vim sentire vidētur. Maturesciūt enim, aut septe, aut, ut plerunq;, nouē mensibus: nec aliter editi solent esse diu vitales. Vnde Poēta Lunam ad partus adhibuerunt, eamq; nomine Iunonis Lucina celebrauerunt.

De Lunæ mutatione.

LUNA cōiuncta Soli morata biduo, cūm ex coitu eius emerferit, bicornis cernitur, & à Græcis *μνοειδής* appellatur. Progressa lōgius & iā 90. gradibus, hoc est, quadrāte circuli, distans à Sole, septima vel octaua luce, dimidiata cōspicitur, & *διχότομος* dicitur. hinc turgescēs quotidianis auclibus crescente lumine, vndecima iā propemodū luce, *ἀμφοίχυρτος* nominatur, ac veluti gibbosa apparet. Vbi verò longissimē à Sole digressa, diametri spatio disiūcta fuerit, luce ferē decima quinta, pleno orbe fulgēs, *πεντέλυνος* vocatur. A quo loco paullatim ad Solē reditura, quotidianis diminutionibus decrescit, & iterū dici *ἀμφοίχυρτος* incipit, mox *διχότομος* secūda vel tertia & vicesima luce, deinde *μνοειδής* iterū, & denuo bicornis apparet; donec tandem reuersa, perfectō circuitu Solem subeat, eiq; trigesimo ferē die coniungatur,

itur, ad easdem vices exitura. Ex hac triplici effigie
Poëta suam Dianam Triutam appellarunt. Hieme
Luna sublimior est, humilior æstate.



De triplici Stellarum ortu & occasu.

ORTVS obitusq; siderum apud Poëtas, histo-
ricos, & rei rustica scriptores triplex est, κοσμικὸς,
ἀκρόνυχος, & ἡλιακὸς, id est, matutinus, vesperi-
nus, & solaris. Matutinus ortus, quē κοσμικὸν Gra-
eci, id

ci, id est, mundanū vocant, est, cū sidus oriente Sole cooritur. Et occasus matutinus, cū sidus emergente supra finientem Sole occidit: ut veris initio sidus Arietis oritur, Libræ occidit; Aestatis principio Cæcri sit ortus, Capricorni occasus. De quo Virgil.

Candidus auratis aperit cū cornibus annum
Taurus, & aduerso cedens Canis occidit astro.

Et Columella lib. 12. cap. 2. Octauo Idus Octobris
Coronæ clara stella exoritur. De occasu cosmico
Pleiadum Virgilius idem:

Antè tibi Eoæ Atlantides abscondantur,
Gnosiaq; ardentis decedat stella Coronæ,
Debita quàm sulcis committas semina.

Id est, Pleiades Eoæ, hoc est, mane occidant Sole Scorpionem tenente. Et paullo pōst:

Muli ante occasum Maia capere, sed illos
Exspectata seges vanis elusit aristis.

Vespertinus ortus, siue ἀπορῶν & est, cū stella vesperi, occidente Sole, exoritur. Ortus hic eorum siderum est, quæ diametri intervallo à Sole distant Veris principio Libræ emergit: Autumni Aries: Aestatis Capricornus: Brumæ Cancer. Columella eodē lib. Sexto idus Octobris; Virgilie exoriuntur Vesperti.

Onid. Quatuor autumnos Pleias orta facit.
Pleiades enim ortu Cosmico medio Veris exoriuntur, sed Acronycho in Autūni ferè medio. Acronychōs igitur sidus occidit quod cosmicōs oritur. Vespertinus occasus est, cū stella discedente sub horizontem Sole abeūt, quo modo Atlantides verno tēpore cū Sole Tauri sidus permeante occidunt. Orion Solem Geminos tenentē comitatur, ut Canis per Cancris sidus euntem.

Ouid.

Ouid. 4. Fast.

*Antè tamen quam summa dies spectacula sistat,
Ensisfer Orion aequore mersus erit. Lucan.*

Nam Sol Læda tenebat

Sidera, vicino cum lux altissima Cancro est.

Nox tunc Thessalicas urgebat parua sagittas.

Heliacus ortus siue solaris est, cum sidus è lumine Solus (vnde & nomen impositum est) emergens apparere incipit, quod antea solis vicinitas cõspici non sinebat: hic & vespertinus & matutinus est: Vespertinus dicitur cum paullo post Solis abitum sidus emicat. Matutinus, cum paullo ante Solis ortum ex eius radijs emergit. Ouid. in Fast.

Iam levis obliqua succedit Aquarius verna.

*Heliacus occasus est, cum stella, quæ cerni prius poterat, Solis accessu obscuratur, & cerni desinit, vt Arietis astrum circa vernum æquinoctium occulta-
tur, & Canceri sidus circa solstitium, & cet.*

*De longitudine, latitudine, & declinatione,
& altitudine, stellarum.*

S I D E R V M tam errantium quàm inerrantium longitudo sumitur ab initio Arietis per signiferi circumflexum. Latitudo à medio signiferi ad zodiaci polos ducitur: eaq² duplex est, Septentrionalis & australis. Quæ in medio signiferi continentur signa, latitudine carent. Solis nulla est latitudo, ceterorum planetarum, nunc æquilonaris, nunc australis. Declinatio siderum est, eorum ab æquatore distantia: iidem duplex, æquilonaris & australis: illa ad septentrionalem mundi polum digressio est: hæc ad australem. Altitudo stellarum est earum supra horizontem sublimitas.

De

De stellarum errantium motu.

OMNIVM errantium siderum meatus contrarium mūdo cursum agere, nūq̃ in aduersum per duodecim signa suprà dictum est. Summum Saturni sidus est, quod minimum videri maximus circuli ambitus facit, quem ille triginta annis circuit. Multo inferior Iouis orbis est, & ob id motu celeriore contēdens duodecim annis circumagitur. Hoc etiam longē inferiorem ambitu Mars duobus circiter annis conuertitur. Sol medio ferē spatio inter calum & terram totum signiferum singulis annis lustrat, partes quotidie singulas ferē percurrēs, duobus infra stipatus comitibus, Venerē & Mercurio, qui cū Sole quotānis Zodiaci signa permeant. Plinius accuratius obseruato motu scribit, Veneris sidus ambitum signiferi peragere trecentis & duodequingagenis diebus. Similitatione, sed nequaquam magnitudine aut vi, proximum illi Mercurij sidus inferiori circulo ferri, nouem diebus ocyori ambitu, modò ante Solis exortum, modò post occasum splendēs. Venus cū Solem antecedit, Lucifer appellatur: at Mercurius Matutinus: cōtrā ab occasu refulgens illa, Vesper et Hesperus dicitur, hic Vesperinus. Nemo autē Venerem, quamuis eodem ferē tēporis intervallo circūagi videatur, tamen cū infra Solē angustiore circulo feratur, dubitet esse Solē velociorem. Nam Sol rectā semita per mediū signiferum decurrit: Venus contrā, nunc retroire, nunc consistere, modò citra, modò ultra Solis viam discurrere inter eundem cogitur. Venere quoq̃ Mercurius eadē de causā longē celerior est. Veneris enim sidus semel anno retrogradū est, at Mercurius ter retrogradatur. Infimus orbū cæ-

lestium Luna sidus continet, quod incredibili celeritate vicinis septemq; diebus & nocte ferè duæ signiferum peruagatur. Sed hoc spatium emensa continenti cursu progressum interea Solem sequitur, eumq; affecta novum circuitum trigesima luce incipit, signa ferè tredecim inter singulos Solis contus percurrentes: conficiq; gradus quorundè minimum tredecim & sextantem, singulos binis ferè horis permeans.

De planetarum orobus, de duplici apside, de Lunæ dracone, de epicyclo.

TRES errantium stellarum orbes describuntur, quorum duo apsidæ circumferunt, & tertius his interiectus, sidus seu epicyclum (qui parvus est globus, cui sidus infixum est) circumagitur: estq; circulus hic eccentricus, hoc est, alium quàm mundi centrum habens. Nam homocentri dicuntur circuli, quibus idem quod mûdo centrum est, qualis intimus & extremus, quibus totius planetæ domicilium includitur, qui mûdo sunt homocentri. Deseruntur autem planeta non solum hoc orbe eccentrico, verum etiâ epicycli motu. Luna & Mercurij plures orbes sunt, quorundè accuratam rationem ex Theoricis planetarum studiosi perent. Nos hic breuiter vtriusque a quoque & maxime necessaria ad bonos scriptores intelligendos præcepta deligere statimus. Est alius præterea circulus, quæ æquantem nominant, ita dictus, quod æquos planetarum motus ostendat. Sol æquantem caret, quod circulus Solem deferens, rectè per medium Zodiaci progrediatur: aliorum deferentes, nunc in Boream, nunc in Austrum declinant. Huius in Sphæra Lunæ circulo idem est quod mundo centrum, in alijs diuersum. Nam tanto distat in-

interna llo à deferentis medio centrū equantis, quanto mediū deferentis à mundi seu terra centro. Aequās Luna ecliptica superficie continetur: deferens in ecliptica superficie non est, sed eius dimidiū ad Septētrionem scandit, reliqua pars ad Austrū descendit, secatq; deferens equantem duobus in locis & sectionis figura, Draco vulgò vocatur. Primum sectionis punctū, à quo Luna ad Boreā ascendit, caput Draconis appellant, Græci ἀνακλιζοντα, id est, attollentem nomināt: alterum punctum, unde ad Austrū descendit, quam Draconis caudā vulgò dicunt, à Græcis κατακλιζον, id est, deprimens, appellatur. Utrumq; triās ferè minuta quotidie sub ecliptica ab exortu in occasum trāsire dicitur. Solis & luna sidus semper in Draconis sinibus deficit. defectionum ratio suprā explicata est. Orbes hi duo extremi intra se medium eccentricum coercētes, qui sunt hic nigris spatijs expressi, ita feruntur, ut crassior orbis pars vnius, tenuiori alterius respondeat, & contrā tenuior crassiori semper æquis passibus incedentes, ita ut quò sublimius altera pars euehitur, eò depressius altera ad mundi centrum accedat: hæc ima apsis, illa summa appellatur. Summa apsis, quæ vulgò aux dicitur, est longissima siderum à mundi centro distantia, quæ dicitur à Græcis apogæū, id est, à terra semotū & summū fastigium: Ima dicitur apsis (vulgò oppositū augū) proxima siderū à terra distantia, quæ nominatur etiam perigæū seu epigæum, id est, terræ proxima. Neg, verò in deferente circulo tantum apsidēs sunt, sed in epicyclo etiam, cuius motu stella voluitur. Pars enim epicycli, cui sidus est infixum, calum spectans, summa vocatur apsis: quæ

terras adspicit, ima. Centrum epicycli in eccentro circulo est. Planeta prater Solem omnes epicyclum habent, in quo cum sidus ad ortum fertur, directus appellatur Planeta: cum ad occasum, retrogradus: cum vero utrinque, eccentricum contingit, Stationarius vulgo dicitur, quod veluti stare videatur; cum ulterius neque ad ortum neque ad occasum feratur.

De duplici Planetarum ortu & occasu, duplici statione & epicycli motu.

DUPLEX est errantium siderum exortus, Matutinus & Vespertinus. Matutinus dicitur, cum sidus ante Solis exortum cerni incipit. Vespertinus, cum occidente Sole apparere incipit. Occasus item duplex, Matutinus & Vespertinus: Matutinus est, quo mane sidus ante Solis exortum cerni desinit. Vespertinus, quo sidus abeunte Sole occultari incipit. De stellarum errantium ortu & occasu supra explicuimus, & utrunque triplicem esse diximus: Ortum matutinum, quo stella mane cum Sole exoritur: Vespertinum, quo vespere Sole discedente oritur: Heliacum, quo est Solis radijs emergens exoritur: Itemque occasum matutinum, quo mane veniente Sole occidit. Vespertinum, quo vespere Sole abeunte simul occidit: Heliacum, quo Solis accessu conspici desinit, & occidit. Prater hos stellarum ortus & occasus habent & suas institutiones planetae, quas Astronomi Stationes appellant. Stare autem stella dicitur, cum sub eadem signiferi parte harena, neque ab ortum progreditur, neque ad occidentem regreditur. Statio duplex est, prima seu matutina, & secunda seu vespertina. Statio prima seu matutina, est ille punctus, quem linearum duarum à centro ducta-

rum

rum altera orientem spectans contingit, unde sidus retroire incipit. Statio secunda seu Vespertina, punctus ille est, quem altera linea occidentem versus attingit, unde progredi sidus incipit. Id quo commodius percipiatur, rem ipsam depingendam curauimus. In tertia pictura duæ lineæ a centro mundi ad signiferum ita protensa, ut epicyclum includant, stationes in epicyclo notant, matutinam & vespertinam. Dicitur Planeta stationarius, cum ab alterutra linearum attingitur, quod tum stare sub signifero videatur. Directus, cum in summo epicycli fuerit, qui punctus directionis & directio vocatur, ubi Planeta velocius sub signifero moueri videtur. Retrogradus, cum in imo epicycli fuerit, qui punctus retrogradationis & retrogradatio appellatur. Eum punctum cum sidus epicycli sui motu fuerit assecutum, sub Zodiaco retroire videtur, mutato rectæ progressionis motu. Omnes autem in summa epicycli parte progrediuntur, & ab occasu in ortum mouentur: in ima regrediuntur, & contra signorum ordinem feruntur. Sol quia solus epicyclo caret, non potest esse retrogradus. Luna, propter motus celeritatem, qua circum epicyclum perpetuo ab ortu in occasum decurrens rotatur, ab epicyclo semper eam ab occasu in ortum rapiente, statio, directio, & retrogradatio non tribuuntur. Reliquorum planetarum epicycli perpetuo ab occidente ad orientem sub orbe signifero progrediuntur, stella tamen interdum retroeunte. Tria sidera, Saturni, Iouis, & Martis cum Sole coniuncta, in summa epicycli apside versantur, & progrediuntur. Ab eo quatuor signorum spatium distantia

stare dicuntur : Soli opposita in ima epicycli apside
versantur , & ad vespertinas stationes retrone di-
cuntur . Hæc autem priusquam redeunt , Sol interea
progressus tantum spatij confecit , vt centum vigin-
ti gradibus absit.





Spatium album inter nigros circulos inæquales comprehensum P'ane. & corpus includit, epicyclo infixum, qui notatur literis c, a, d, quarum a summa differentis apsis est, b, ima & lineæ duæ descendentes ad centrū ab Eoo latere epicycli c, & ab occiduo d, indicant stationes matutinam & vespertinam.

De æquinoctialis & signiferi ortu & occasu, quem Astronomicum vocant.

De stellarum inerrantium, & errantium exortu & occasu dictū est: nunc de signiferi cū æquinoctiali surgentis ortu dicendum, quē Astronomicum esse volunt, cū superiorē illum Poëtarum esse dicāt. Ortus igitur Astronomicus est ascensus partis circuli æquinoctialis eius, quæ cum signo Zodiaci ab oriente supra finientē exsurgit. Occasus Astronomicus est, descen-

sus eius parius circuli æquinoctialis, quæ cum signo sub
horizontem descendit. Ortus hic signorū duplex est,
rectus & obliquus: Rectus ortus sideris vel ascēsus est,
cū maior æquinoctialis circuli, quàm signiferi pars
emergit, siue cū æquatoris ortus arcū signiferi nu-
mero graduū superat. Obliquus est, cū signiferi maior,
quàm æquinoctialis arcus exoritur. Maiorem intel-
lige, quæ plures 30. gradibus cōtinet: & minorē, quæ
pauciores. In sphaera recta non eadem celeritate signa
scādunt: alia enim recta prodeūt, ut Cancer, Capri-
cornus, Gemini, Sagittarius: cetera obliqua, quorū ea
quæ diametro distant, æquis temporū spatijs oriuntur
& occidunt. Quod ita Lucanus versibus expressit:

Non obliqua meant, nec Tauro rectior exit
Scorpius, aut Aries donat sua tempora Libræ,
Aut Astra inber lentos descendere Pisces.
Par Gemini Chiron, & idem quod Carcinus ardens
Humidus Aegoceros, nec plus Leo tollitur urna.

Hoc dicit Poëta, sub Aequatore degentibus, æquales
esse oppositorum signorum ascensus, quod ex globo fa-
cilè cognosci potest. Hæc etiam, quam subieci, tabella
docebit, quos gradus & minuta cum signis exsurgāt.

Tabula ortus & occasus in orbe recto per
gradus & minuta, ac per horas & minuta æqui-
noctialis, temporum spacia notans.

Nomina	Gradus	Minuta	Horæ	Minuta	Nomina
Aries	xxvij.	liij.	i.	lij.	Pisces
Taurus	xxix.	liij.	i.	lix.	Aquarius
Gemini	xxxij.	xij.	ij.	ix.	Capricornus
Cancer	xxxij.	xij.	ij.	ix.	Sagittarius
Leo	xxix.	liij.	i.	lix.	Scorpius.
Virgo	xxvij.	liij.	i.	lij.	Libra.

SYBDUCTA ratione facilè intelligitur qua-

tuor signiferi quadrātes eodēquo vicinus equinoctialis temporis intervallo scandere, licet quadrantū partes non eodem tēpore oriantur vel occidant. Alia est in orbe obliquo ascēsum & descēsum ratio. Nam in recta Sphæra, vbi finiens circulos omnes in partes aquas secat, perpetuum, est equinoctium: In obliqua verò, cūm finies obliquus equinoctialē solum in partes aquas dirimat, ceteros omnes in partes inaequales: tantū Arietis & Librae initium pares noctibus dies facit: quantoq; signiferi partes ab equinoctiorū punctu abfuerint longius, tātō maior est dierū noctiumq; varietas. In orbe nostro signa sex à Cancris principio ad initium Capricorni recta oriuntur, & ab huius initio, qui Sagittarij finis est, ad Geminorum finem seu Cancris initium obliqua exsurgunt. Nam in illis maior equinoctialis quàm signiferi pars, in his minor emergit. quod breuiter his versibus ostenditur:

Recta meant, obliqua cadunt à sidere Cancris:

Donec finitur Chiron. sed cetera signa

Nascuntur probo, descendunt tramite recto.

Tabula generalis hīc quidem propter diuersam regionū latitudinē nulla cōmodē proponi potest: sed in omnibus tamen latitudinū orbis nostri partibus citra equinoctialē, eadēq; proportionē in locis ultra aequatorem ascensū descensumq; ratione adhibita Sphæra in orbe absolutū globata facillē inuestigare licebit. Notādus in globo diligenter signorū zodiaci vel tardior vel celerior exortus. Etenim ea, quæ recta in exortu suo consurgūt signa, longiore tractu (vt Plinius ait) tenent lucē, spatiaq; dierū longiora faciunt: quæ verò obliqua, ocycere transeunt spatio, diesq; reddunt bre-

uiore. Tum partes æquinoctialis, quæ cum sex signis à Solis ortu ad eius occasum emerferunt, studiosè colligende sunt, & conferenda. Non difficile erit idem ex circulus parallelis cognoscere, quorum sol quotidie singulos inter virumq; tropicum describit: suntq; centum octoginta duo abeunte Sole, totidemq; redeunte ducti. Horum parallelorum termini sunt tropici duo, quos in horas 24. distribuit. Ante omnia verò Sphæram ad regionis tuæ latitudinem attollito, & finientem circulum adhibeto, qui non incommode ab alueo, in quo globus reuoluitur, intelligi potest: tum faciliè videbis, quot horarum sectiones in circulo omnibus supra infraq; finientem comprehendantur.

De diuerso mundi & signiferi ortu.

SINGVLIS diebus toto anno per vniuersum terrarum orbem, sex oriri signiferi partes haud dubium est, nec eas aut productione aut contractione dierum impediri. At æquinoctialis circuli partes (nam & æquinoctialis sua habere signa Zodiaco respondentia intelligitur, quæ mundi signa dicuntur) nunc plures, nunc pauciores cum Sole emergunt: æquinoctio sex, solstitio plures, bruma pauciores. Nobis hic octo serè mundi signa solstitiali die oriuntur, bruma quatuor. Nam cum singulis horis quindecim tribuantur æquinoctialis circuli gradus, diesq; solstitialis horas minimum sedecim contineat, octo signiferi partes seu signa cum æquinoctiali ascendere necesse est.

De varia dierum noctumq; ratione in terris latitudine differentibus, ac primum in iis locis, quæ sunt æquinoctiali subiecta.

S V B æquinoctiali, seu medio mundi degentibus (seu

ut vulgò loquuntur, quibus in æquinoctiali circulo Zenith est, id punctum est in celo ad perpendicularum subiecto in terris loco imminens)bus æstas est, totiesq; bruma, & quatuor solstitia, duo alia, & totidē quæ vocantur imæ: vmbra duæ, & æquinoctiū perpetuū. Æstas est semel in Arietis initio, & iterū in Libra principio: semel hiems in Cæcri principio, & iterū in prima Capricorni parte. Solstitia sunt illis nō tantū in utroque tropico, verū etiā in vtroq; Aquilonarium & Australiū populorū æquinoctio: quod Sol in redeundo ad æquatorē progressus, cū iam aliūscē ascendere nequeat, stare videatur. De hīs ita Lucanus: Deprehensum est, hunc esse locum, quo circulus alii solstitij mediū signorū percutit orbē, id est, locum, in quo sub æquinoctiali, qui mediū signiferū secat, duo solstitia sunt. Vmbra quoq; in ea plaga meridiana cernuntur dextra & sinistra, hoc est, Aquilonares & Australes. Sol enim digressus ad Cancrū, vmbra iacit in Austrū procurrētes, quæ sinistra vocatur: idē ad Capricornū reuersus, vmbra in Boreā mittit, quæ dextra nominatur. In Arietis & Libræ initio nulla sunt vmbra. Reliquā varietatē, si apud globus attollatur, nullo negotio perspexeris. In terris Cæcri circulo subiectis, Sole Cancrū subeūte, nulla cernitur eo die vmbra meridiana, quæ semper aliās in Septentrionē porrigitur, quæ dextrā appellari vmbra diximus. In hoc situ Syene vrbs Aegypti collocatur, de qua Lucanus:

Vmbra nusquam flectente Syene.

Inter circulum Tropicū & Arcticum habitātes, quorū Zenith seu verticis punctū Sol nunquā attingit, vmbra tantū dextras aspiciunt, ut sunt Europæi omnes,

omnes, & Asianorū plurimi & Africanorū. Sub Arctico circulo signiferi polus est punctū verticis & eclipica linea finiens. Aequinoctio verno, cū Sol Arietem ingreditur, tria zodiaci signa velocissimē ascendant: Aries, Taurus, Gemini: tardissimē Cācer, Leo, Virgo; cōtinētq; dies horas duodecim. Noctis est contraria ratio: nam tardē Libra, Scorpius, Sagittarius oriuntur: celeriter Capricornus, Aquarius, Pisces. Tropicus aestiuus in hoc situ supra terrā totus est conspicuus, & brumalis sub sintente totus depressus. Suntq; in hoc orbe ydem circuli tropici & arctici, à Proclo traditi. Alterū est aequinoctiū Libram ingreditē Sole, quē exorientē tardē sequūtur Libra, Scorpius & Sagittarius: velocius Capricornus, Aquarius, Pisces. Occidentem ocyus Libra, Scorpius, Sagittarius: segnius Capricornus, Aquarius, Pisces. Cū Sol in prima Cancri parte fuerit, sub exortum signa omnia cū Planetis in horizōte latent, subitoq; signa sex mane prodeunt, & reliqua sex cum aequinoctiali tota passibus aequis procedūt spatio 24. horarum. Nam tot cōplectitur ille dies, & momentū illud seu tēporis punctum, quo sex illa signa, Capricornus, Aquarius, Pisces, Aries, Taurus & Gemini subito exiterūt, pro nocte habetur, quæ fuerit alioqui nulla futura. Reliqua pari tēporis spatio cum toto aequinoctiali supra terram incedunt, diemq; faciunt 24. hararum. Illud igitur momentum, quo Sol emergens finientem contingit, nocti tribuendum est. Nam ubiq; terrarū dimidia signiferi pars diurno tempore & reliqua nocturno oriri debet. E contrario, vbi Sol Capricornum subierit, nox 24. horas cōtinēt, dies nullus est,

est, aut si ita maioris, illud ipsum tēporis punctū dici vice fuerit. Siquidē signa omnia cū sideribus errantibus in finiente mane delitescunt, mundiꝝ cōuersione momento sex signa existunt, Capricornus, Aquarius, Pisces, Aries, Taurus, Gemini: reliqua 24. horis.

Inter circulum arcticum & mundi verticem fixo finientis polo seu puncto verticis, ipse finiens eorum, qui hunc locum incolunt, signiferum persecat duobus punctis a quo spatio ab initio Cancris distantibus, eaqꝫ portio supra finientem comprehensa, donec Solem habebit presentem, quoniam nunquam occultatur, perpetuos exclusa nocte dies efficiet: quæ si vnius signi magnitudinem aequabit, continuus erit vnius mensis spatio dies: si duorum signorum, dies etiam erit mensium duorum: & sic deinceps crescente numero. Ex his manifestum est, quod & facillè ex reuoluta in suo alueo sphaera cerni poterit, Zodiaci partes Solstitiali tropico propinquas semper hic esse conspicias, rursumqꝫ brumali tropæ vicinas, semper occultas: æquinoctiali verò propinquas oriri & occidere. Sub mundi polo degentes æquinoctialem habent cum finiente coniunctum, & ab Arietis initio ad finem Virginis diem perpetuum, reliquis mensibus noctem, annumqꝫ totum in vnum diem & noctem distributum. Sol annis singulis cum duobus comitibus, Venere & Mercurio semel exoritur. Luna mensibus singulis. Saturnus annis 30. Iupiter 12. Mars duobus: idqꝫ verno tantum æquinoctio: & occidunt autumnò. Quæ omnia faciliùs ex globo reuoluto, quàm verbis intelligentur.

BREVIA QVÆDAM DE GEOGRAPHIA PRÆCEPTA.



MTER Cosmographiam & Geographiā, id est, mūdi & terra descriptionē, id interesse volūt, quod illa totū describat mundū per polos, circulos meridianos, & parallelos, terrāq; ex horū situ per Zonas & climata distinguat, poli altitudinē, diernū ac noctnū spatia scrutetur: hac verò terrā tantū per montes, maria, & fluuios citra circulorū celestīū anxīā obseruationē discernat: vt Cosmographia sit mundi totius descriptio, Geographia terra, quæ mūdi pars est. Sed differentia nō semper obseruatur, & Ptolemæus utrāq; vno Geographia nomine cōplectitur. Terrā in mūdi medio fixam per se coherere, & cum circumfluentibus undis vnū efficere globū antea satis ostēdimus. Dictū est vō de Zonis, de defectionibus, de vētis, de dextra & sinistra mūdi parte, & quatuor cardinib⁹, quæ hac quoq; referri possunt. His igitur omīssis, deinceps, vt institui-
mus, præcepta quædam Geographicæ subiūgemus, quæ studiosis adolescentibus cum primis vtilia videntur.

De forma & magnitudine terræ, & de aque tumore, & forma rotunda.


ROTVNDITATEM orbis terrarū defectionū Luna diligēter obseruata ratio satis arguit: quas non eodē tēporis momēto ab Eois & occidentis populis cerni cōstat. Cū enim hæ defectiones in omni terrarū tractu eodē tempore fiant, nec ab omnibus tamē iisdem horis conspiciantur, credendū est, interiectū terræ tumorem ob stare. Tumere autē terrā oculorum etiā testimonio perspicūū sit: Ab æquinoctiali ad Boreā discedenti

cedēti polus arcticus & sidera Septentrionalia paulatim attolluntur Australia deprimuntur. E contrario ad Austrū abeunt, hac attolluntur, illa deprimuntur. Cuius nulla esse alia causa potest, nisi terra tumor interiectus. Aquā etiam habere tumorē ita probatū est: signū in litore statuatur, quod progrediēte naui descēdere paulatim vectoribus videtur, longiusq; in aliū prouectū, cum ē proa primū, deinde vix ē malo summo confusus potuerit, tandē occuletur, non alia de causa, quāq; interiectū spatiū tumescat. Alicū ad dunt rationē a corporis homogenij natura petitā: partes eiusdē esse rationis atq; totū, similemq; figurā desiderare: Guttas autem minimasq; aquarū partes in globi formā natura contrahi: Eandē igitur aqua formam tribuendā videri. Quamū autē terrarum spatium singuli circuli maioris gradibus respondeat, hoc modo inuenias. Cognita loci alicuius latitudine seu poli sublimitate, perge sub eodem Meridiano vel ad Austrū vel ad Boreā tantisper, dū poli alitudo gradu vno cesserit: id quod vel ex quadrātē facili cognoscetur. Tum spatiū, quod inter eum locum, unde sis progressus, & eū quo peruenieris, interiectū est, metire, & interuallum hoc vni gradui tribuito. Sit id sanē quindecim miliarium Germanicorum communium, terraq; totius ambitus quinq; millium & quadringentorum miliarium.

De longitudine & latitudine regionum.

LONGITUDO loci sumitur ab occasu in exitum. Est enim distātia loci regionis, aut vrbi alicuius à terra totius Occidētis, id est, à Fortunatis insulis, ubi veteres initū Occidētis & primū longitudinis gradum

dum constituerūt. Spatiū igitur inter Meridianū, qui Fortunatas Insulas & locū regionis vel vrbi proposita ducitur, interiectū longitudinē ostēdit. Latitudo sumitur ab æquinoctiali in Septentrionē vel Austrū, estq; loci alicuius ab æquinoctiali circulo siue pūcti, quod alicui loco ad perpendiculū imminet, ab eo ipso circulo distātia. Idē spatiū est inter finientiē & mundi polum. Latitudinē metitur arcus meridiani, inter verticem loci & æquinoctialē interiectus. Longitudinem quoq; quā paralleli, seu æquē distantes circuli ab occasu in ortū ducti meriuntur, meridiani distinguunt.



De Longitudinis & latitudinis regionum
dimensione per horas.

Cum legitur apud Ptolemaum distare locum ab
occidere una, duabus, pluribusve horis, intelligendum
est, horis singulis quindecim gradus contineri, & horis
duabus 30. tribus 45. quatuor 60. Cum vero tribus,
aut pluribus horis ab æquinoctio seu ab æquinoctiali
circulo abesse dicitur, accipitur hora pro longissimi
diei incremento, diei æquinoctiali adiecto: veluti, si lo-
cus ab æquinoctiali distet una, duabus, tribus aut qua-
tuor horis, intelligitur eius diem longissimum horas
continere tredecim, 14. 15. aut 16:

De Parallelis.

TRIPLICES in Sphæra sunt Paralleli circuli,
quorum alij latitudines distinguunt, denique, plerumque,
vel quinque gradibus distant, initio numerationis ab
æquinoctiali sumpto. Alij Zonas, & temporum, caligine,
mutationes definiunt: æquinoctialis, tropici duo, &
totidem Arctici, de quibus superiori libello dictum est:
Alij dierum, quos artificiales vulgò appellant, diffe-
rentias ostendunt. Artificialem diem intelligunt na-
turali Solis cursu factum, id est, spatium inter ortum
Solis & occasum, de quo item suprà dictum est, nu-
meranturque unus & viginti, nec solent inscribi glo-
bo, sed marginibus appingi: quorum maximus est
æquinoctialis, sub quo dies sunt noctibus aequales, ne-
pe horarum duodecim. Quò longius ab eo circulo dis-
cesseris, vel ad Boream, vel ad Austrum, hoc maior erit
dierum noctiumque varietas, circulique breviores. Quòd
si tanto ab æquinoctio spatio discedatur, ut longissi-
mus anni dies hora quadrante discrepet, eo loco ab

Oriente in Occidentē parallelus describitur, & aequatoris lateri adiungitur, cuius statuitur in mundi vertice polus: & rursus alter huic adiungitur, si dimidiata hora dislet, & alij deinceps adijciuntur, donec ad illum perueniatur, qui per mediam Hiberniam ducitur, ubi semihoris augentur, & mox totis horis, ac deinde mense vno, duobus, tribus, quatuor, quinq³, ac postremo dimidiatis annis, vt ea orbis descriptio, qua gemini cordis imaginem refert, insignis artificii Gerardī mercatoris opus perspicuē demonstrat.

De Climatibus.

CLIMA terra spatium est, ab Occidente in Orientem extensum, duobus parallelis inclusum, in quo diei longissimo semihora mutatio accidit. Quod enim longius ad Septentrionem vel ad Meridiē abieris, eò longior erit aestatis dies maximus, necq³, maxima nox hiemis: nec desinet variari dies ab æquinoctio discedentibus, donec sub ipsum polum peruentum fuerit, ubi dies vnus mēsum sex, totidēq³, nox vna totum cōplet annum. Hanc varietatē omnē Sphæra bene globata, si rectē suspensam reuoluas, perspicuē demonstrabit. Sub æquinoctiali dies noctesq³, pares sunt, horarum duodecim. Hūc duodenariū equalitatis æquinoctialis plaga numerū horarum, Clima primū superat semihora spatio: secundū totius hora: tertium sesquihora: quartū duabus horis, atq³, ita deinceps. Climatatum ad parallelos ratio dupla est. Nam paralleli, quos modò posuimus, quadrantibus distant: climata verò semihoris. Vbi autē paralleli ob Sphæra decliuitatem semihoris distāt, climata integru horis constituuntur. Si pluribus illi augeantur, hæc itidem dupla pro-

proportione crescent. Sed hac ab eo, quem modo nominavi, Mercatore tabula pereleganti descripta facilius quàm verbis à nobis explicata studiosi cognoscant. Veteres septem tantùm climata posuerunt, quibus nomina à locis insignioribus, per quæ climatis uniuscuiusq; mediū ducitur, indiderunt, quorum primum per Meroën Aphricæ urbē in insula Nilo flumine cincta ducitur, ubi dies longissimus cōtinet horas tredecim & quadrantē. Secundum per Syenen Aegypti urbem, Cancri circulo subiectam, ubi dies longiss. continet hor. tredecim & dodrantem. Tertium per Alexandriā Aegypti Metropolin ad ostiū Nili, ubi long. dies. hor. quatuordecim & quadrantem. Quartū per Rhodū Asiae minoris insulam, ubi dies long. quatuordecim horas & dodrantē. Quintū per Romā clarissimam Europæ urbē, & per Hellespontū, ubi dies long. quindecim hor. & quadrantē. Sextum per Venetias, Lugdunū, & per mediū Pontū, ubi dies long. quindecim hor. & dodrantem. Septimum per Borysthenis ostia, magni Sarmatia fluij, ubi dies long. sedecim hor. & quadrantē. Non sunt veteres progressi longius, quòd loca ulteriora, quæ cognita nō habebāt, putarūt nimio frigore deserta: quæ nunc à recētoribus inuestigata sunt multis in locis habitabilia. Ab his igitur adiecta sunt climata duo; Octauū per Maotida paludem ad ostia Tanais, vel per mōtes Rhyphaos, eaq; loca. in quibus nūc habitatur cōmodissimè, & polus attollitur quinquaginta tribus gradibus, diesq; longissimus horas 16. & dodrantē cōtinet. Nonū per Cymbricam Cherronesum, & eas terras, ubi polus sublimis 55. gradibus cōspicitur, & solstitialis dies longus

est horas circiter 17. Plura etiā fortasse nō malē culta licebit addere, vsq; ad ea loca, qua longius ad Boream extēduntur, & nimio frigore nō sunt habitabilia. Totidem autem climata possunt in australi plaga vltra aequinoctialem describi, Septētrionalibus respondētia, qua cū proprijs careāt nominibus, & vsitatis, quōd ea Veteres nulla posuerint, fingi poterunt: vt cū à Græcis nostra climata vocentur, Diameroes, Diasyenes, Dialexandrias, Diarbodou, Diarhomes, Diapōtou, Diaborysphenous, Diamaeotidos, Diadanas: licebit his australia opponere hoc modo: Antidiame- roes, Antidiasyenes, Antidialexandrias, &c. Græca prepositione præfixa. Primi climatis, vt à Stapulensi demonstratū est, initiū, habet altitudinē Poli graduū 12. minuta 45. mediū 16. finis 20. minuta 30. stadia Romana qua loci latitudinē metiātur, 5425. Secundi climatis initiū grad. 20. min. 30. med. 24. min. 15. finis 27. min. 30. stadia 4900. Tertiij principii 27. min. 30. med. 30. min. 45. finis 33. min. 40. stadia 4316. Quarti principium 33. min. 40. med. 36. min. 24. finis 39. stadia 3733. Quinti principii 39. med. 41. min. 20. finis. 43. min. 30. stadia 3150. Sexti principii 43. min. 30. med. 45. min. 40. finis 47. min. 20. stadia 2625. Septimi principii 47. min. 15. med. 48. min. 40. finis 50. min. 30. stadia 2275.

De Amphiscijs, Heteroscijis, & Periscijis.

NOMINA sunt incolarum terra, ab umbrarū ratione ducta. Amphiscij sub torrida zona dicuntur, quibus umbra meridiana nunc in Boream, nunc in Austrū mittitur. Heteroscij tēperatas plagas incolūt, quibus est altera dūtaxat umbra, vel dextra vel sinistra:

stra: nobis dextra, Antichthonibus sinistra. Periscij in zonis frigidis habitant, quorum umbra in orbem circumducuntur.

De Antæcis, Periæcis, & Antipodibus.

D I V I D U N T U R & alia ratione totius orbis terrarum incola, in Antacos, Periacos, & Antipodes. Antaci dicuntur, qui sub eodē circulo meridiano Latitudinē longitudinemq; Australē Septētrionali equalē habent. His eodē tempore meridies mediāq; nox, sed alteris est aestas, alteris hiems. Australibus incolis nos Antaci sumus, & illi nobis. Vtriq; ab æquinoctiali circulo eadē latitudine distamus, pari spatio inter ortū & occasum interiecti. Periaci, qui sub eodē & meridiano & parallelo degunt in oppositis regionibus, alteri ortū spectantes, alteri occasum, in eadem Zona: ac pares habent anni mutationes, Ver, Aestatem, Autumnum, Hiemem, diurnū nocturnūq; varietatem. Sed hoc interest, quod horum media nox illorum meridies est. Eos hīc excipimus, quibus aliquādo dies unus horas 24. aut plures cōtinet, quales sunt populi, quibus 66. graduum & sensu latitudinem egressi poli sublimitatem 67. vel 68. graduū cernūt. habent hi Periaci diem nonnunquam eodem tempore. Antipodes sunt, qui aduersa nobis vestigia obuertunt, totaq; diametro distant, inter quos mediū terræ centrū interpositum est. Huius idē tum finies tum meridianus est, atq; nobis: cū quibus nihil est nobis aliud cōmune, sed cōtraria omnia. Cū nobis aestas est, illos hiems premit: cū nobis dies, illis nox est. At hīc rursus exceptos eos volumus, qui sunt æquinoctiali circulo subiecti, quibus tantū dies noctēsq; contra-

ria sunt, cetera paria. & æquinoctium perpetuū, ac
dierū noctiūq; magnitudo, & anni mutationes, &c.

De regionibus terræ.

TERRAM totā, quæ supra aquam extat, vete-
res in tres partes distinxerunt, Europā, Aphricā, Asiā.
Quarum Europa minima est, Aphrica maior, Asia
maxima. Europa ad Boream, & Occidentem vergit.
Aphrica ad Meridiem. Asia ad Orientem. Singulorū
terminos posterior ætas multo longius & latius ex-
tendit, pluresq; terrarū partes lustravit. Quinetiam
quartā orbis terrarū partem inuenit, quam ab Ame-
rici Vesputij inuentoris nomine dixerunt Americam,
quæ videtur Atlanticū à Platone dicta fuisse: tota ferè
Oceano circumdata ab occiduo Aphrica litore longis-
simè per Atlanticū mare in occidentē navigantibus oc-
currit, ac longissimo terrarū tractu inde usq; ab ar-
ctico circulo, ubi Asia coniuncta putatur, ad Antar-
cticum procurrēs modico fretō ab Australibus terris,
quæ nondum exploratæ sunt, disiungitur, toti Europa
atq; Aphrica obiecta, & vniūsq; ferè magnitudinem
æquans. Tres illæ partes à veteribus traditæ continen-
tes sunt, angustū primū finibus circūscriptæ, ac dein-
de multis peregrinationibus & periculosis naviga-
tionibus lustratæ, multis terrarū accessionibus auctæ
sunt. Quarta pars ingens est, quam alij insulam fa-
ciunt, alij peninsulam esse volunt, ad occidentem mun-
di partem sita, quam Sol à nobis digressus ad occiden-
tem ultimum lustrat.

De terræ diuisione.

EUROPA distinguitur ab alijs terræ partibus,
& clauditur, primū ab Oriente, fluuiō Tanai, rectaq;
linea

linea ab huius fontibus in Boreā porrecta, Maotide palude, Ponto, Propōtide, & mari Aegæo. Atq; his terminis ab Asia separatur. A meridie, seiūgitur ab Aphrica, mari Mediterraneo. Ab Occidente, mari Atlantico. A Septentrione, Britannico, & Germanico. Aphrica ab Oriente terminos habet, Isthmum Iudaicum. A Meridie, Oceanum Aethiopicū. Ab Occidēte, mare Atlanticū. A Septentrione, mare Mediterraneū: Asia termini ab Occidēte sunt ijdem, quos ab Oriente Europa & Aphrica habet. A Septentrione mari Scythico separatur: ab Oriente, Eoo Indico. A Meridie Indico Australi & Arabico seu mari rubro.

De regionibus terræ partium præcipuis.

EUROPÆ regiones præcipuæ sunt hoc ordine cōiunctæ, sumptio initio ab Occidēte ultimo: Hibernia, Albion seu Britannia, insula: Hispania tribus distincta partibus, Beticæ, Lusitanie, & Terraconēsis: Gallia, quam Cæsar esse diuisam ait in tres partes, Aquitaniam, Celticā seu Lugdunensem, & Belgicā: Germania, Vindelicia, Noricū, Pannonia, Illyria, Dalmatia: Italia, cum vicinis insulis Cyro seu Corsica, Sardinia, Sicilia: Ad Boreā, Scythia Europæa, Taurica Cherronesus: ad Austrū Dacia, Mysia superior & inferior, Thracia, Cherronesus, Macedonia, Epirus, Achaia, Eubœa & Creta. Aphricæ regiones præcipuæ sunt: Mauritania duplex, Tingitana, & Cæsariēsis, Numidia, Aphrica propriè dicta, in qua Carthago fuit vrbs nobilissima, Romani imperij emula: Cyrenaica, Aegyptus & Aethiopia. Asia regiones præcipuæ: Pontus, Bithynia, Asia propriè dicta, in qua & Phrygia continetur, Lycia, Galicia, Paphlagonia,

Pam-

Pamphylia, Cappadocia, Armenia minor, Cilicia, Sarmatia Asiatica, Colchis, Iberia, Albania, Armenia maior, Cyprus, Syria, Phœnicia, Palestina, Iudæa, Arabia petrea, Mesopotamia, Arabia deserta, Babyloniam, Assyria, Susiana, Persia, Parthia, Carmania, Arabia felix, Hyrcania, Margiana, Bactriana, Scythia intra Imaum montem, Scythia extra Imaum; Serica, Aria, Arachosia, Gedrosia, India intra Gangem fluuium; India extra Gangem, Sinarum regio & Taprobana insula magna. America immensa, siue insula siue peninsula, pars terra quarta, veteribus incognita. Regiones permagnas habet, insulasq; multas, quarum descriptiones in ijs libris extant, qui longas ac difficiles Hispanorum nauigationes & periculosas expeditiones continent. Quod superest, à Geographia petendum est, quorum tabule frequenter consulende, situsq; locorum diligenter inspiciendi sunt. Plurimum profuerint Ptolemæus, Plinius, Pomponius Mela, Strabo: & inter recēiores Appianus, Vadianus, Glareanus, Gemma Phrysius medicus & Mathematicus doctissimus, alijq; nonnulli, ex quorum lucubrationibus absolutam Geographia scientiam studiosi consequentur.

F I N I S.